

東
華
續
錄

臣朱壽朋敬編

臣張毓英恭校

八月壬申朔岑毓英奏臣於光緒十年六月承准軍機大臣字寄奉 上諭雲南邊防緊要著丁寶楨於四川現有各營中酌撥五營交鮑超統帶馳赴雲南擇要駐紮爲岑毓英後繼之師又於七月初二日承准軍機大臣密寄奉 上諭雲南防軍前有旨飭令撤回關內原係查照天津所議簡明條約辦理現在局勢未定防務仍屬緊要該督現已移軍馬白關卽著扼紮嚴防認真訓練以期緩急足恃所調各營到後亦在關內擇地駐紮不准輕進劉永福一軍仍著接濟糧餉軍火驅磨弗絕能否率部來歸並遵照五月二十五日詢問諭旨迅速覆奏又接准廣西撫臣潘鼎新函寄總署電報欽奉 諭旨彭玉麟等派營搜圍力顧大局殊堪嘉尙現在滬議未定法情叵測萬一決裂必宜出奇制勝潘鼎新岑毓英務將現駐關內各軍切實訓練聽候調遣彼此聯絡聲勢庶足迅赴事機牽制敵勢各等因欽此仰見 宸謨廣運計出萬全臣跪讀之下莫名欽服正欽遵籌辦間又准廣西撫臣潘鼎新函寄電報法人已於六月十五日攻奪基隆敵寨次日爲官軍擊敗有調越南陸兵前往報復之語查法人狡焉思逞反覆無常臣前奉

旨撤兵入關不敢違行全撤已將礙難情節於六月十二日恭摺密陳在案今彼族已往基隆海口開戰雖經官軍擊敗若乘此聲威大加懲創使彼進退失據窮極思返則和議可成前湖南提督鮑超在江浙各省帶水陸諸軍屢立戰功威望素著蒙 恩特派來滇助防臣為勝欣幸竊思江海各口尤關緊要若以此軍即由川赴援則順流東下更為迅速想 朝廷自有機衡非臣下所敢妄擬也臣遠戍邊關洵埃末報難繼難安前奏明添調各勇已到防二十一營並原留滇粵各勇二十營共計四十一營內有粵勇二千五百人仍應助劉團防守文盤州大灘等處其餘各營分紮保勝對面之河口大山頂及河陽天堡新街繼耗馬白關各要隘臣懷遵 聖訓親督各將領逐日認真訓練恭候 諭旨調遣不敢稍有疏懈臣現紮馬白關與廣西撫臣潘鼎新駐紮之龍州雖相距一千數百里而聲勢尚可聯絡惟越南烟瘴正大兩廣勇丁尚能支持此外各省兵勇多不能耐至滇省餉需雖籌勇糧多有欠缺臣兩商撫臣張凱嵩擬將新募各勇再三挑選分別裁留俟奉 旨調遣如兵力尙單再酌量添募至劉永福所需餉銀軍火臣仍源源接濟不敢缺乏其安置事宜前已據實覆奏應如何辦理出自 聖裁 上諭軍機大臣等岑毓英奏遵旨訓練各軍聽候調遣一摺覽奏已悉前疊諭岑毓英督師出關規復北圻各城茲據該督所奏尙未接奏前有現值秋高氣爽即著督飭劉永福及在防各營力圖進取迅赴戎機並著潘鼎新

悉心會商飭令各軍聯絡聲勢分路並進該督撫務當竭力籌辦不准藉詞遷延自干重咎所有辦理情形隨時迅速奏聞劉永福軍所需餉銀軍火仍舊容毓英妥籌接濟俾無缺乏○癸酉張佩綸奏法提督孤拔以輪船駛入馬尼疑何船廠閏五月二十八日臣親率黃超羣兩營駐防馬尼其時法船僅五艘我船揚武及兩輪船共三號尋何如璋將振威伏波調回張之洞亦以飛雲濟安來援我軍聲勢略壯法乃增大兵輪二號魚雷二號入口相逼臣屢請先發請互援不得勉以冀新福星兩小船及艇船商船雜而牽制及至六月二十以前船略相等而我小彼大我脆彼堅六月二十以後被合口內外常有十二三艘出入便活而我軍則止於兵船七艘敵船兩號臣以爲憂慮調諸將以兵不厭詐水戰尤爭呼吸欲仍行先發之計而諸將枕戈待旦多者四十餘日少亦二三十日均面目枯槁憔悴可憐加以英美來船與法銜尼奇謀秘策不復可施臣知不敵願求援無門退後無路惟與諸將以忠義相激勵而已前月二十八日及本月初一日之電報可覆按也當六月下旬美提督晤何如璋以調處告稅務司貴雅格爾告督臣又有英提督英領事欲調處之說其辭甚甘其事則嚴臣亦知其意而無如與國牽制何初二天雨如注風勢猛烈初二日子夜初三日黎明臣以手書飭諸營總相機合力有初三日風定法必妄動之語未刻而法人礮聲作矣臣一面飭陸軍整隊並以小礮登山爲水師相應一面與何如璋各升山巔觀戰緣

是日法以潮大風順於口外驟入一大船發礮為號猛攻我軍我船本約以各輪卒攻其上游各船而以
艇船商船夾攻牽制其下游各船法大船入則以六艘破振威飛雲濟安於下而以五大輪一魚雷船合
攻揚武比至山則揚武已為敵魚雷所倂法船方圍攻福星該管駕陳英轉捩甚靈放礮亦捷酣戰不
退兩盜船用礮助擊相持至一時之久一大船中礮退駛他船亦皆桅斜枝洞奈船大小過懸眾寡不敵
未幾而該船及兩盜船相繼沉燬伏波墊新亦各中礮駛上中歧則我上流之船已沒其下流之船法以
雙桅三筒烏波鐵船為最大振威為其所擠立斷為兩飛濟二輪還礮之聲猶相應答法駛一魚雷船近
之則驟為我臺上一礮所中立沒於水而烏波亦為我礮機擊火藥船立時焚沒飛濟兩艘即帶火流下
則高騰雲已為礮擊中而死我所餘之艇哨各船及所製雷船與木牌引火之具以潮力抵牾逆激不能
上皆為法乘勝轟擊都盡併泊近順河之商船亦焚計焚法一輪壞一輪沉一雷船我則七兵輪兩商船
及艇哨各船均燬惟餘伏波墊新兩輪少受傷損即行駛回此次法人謠詐自出和戰無常彼可橫行我
多顧慮彼能約從我少近援一月之久彼總知我鄰疆眈域士卒孤疲輒乘雨後潮急彼船得勢違例猝
發天寶為之謂之何哉各船中士用命致死猶能鏖戰兩時死者灰燼存者焦傷且目擊情形誠為酸痛
伏念臣前到閩孤拔踵至明不足以料敵材不足以治軍妄思以少勝多露廠小船圍當大敵卒至寇增

援斷久頓兵疲軍情瞬息萬變臣既制於洋例不能先發以踐言復狃於陸居不能登舟以共命實屬咎無可辭惟有仰懇 天恩將臣卽行革職拿交刑部治罪以明微臣惶悚之忱以謝士卒死綏之機至連日洋商及我軍傳說或云法燬六船或云孤拔受傷已死或曰烏波營爲已死或云法焚漁三百人要之我軍既已大折彼亦應稍有死傷傳聞異辭卽確亦不足信惟此奏就臣所目見參以各軍稟報不敢有一字捏飾一語含糊再蹈奏報不實之罪何如草奏法將孤拔率領艦隊於閏五月二十二日駛泊馬江窺佔船廠隨調集閩省大小各輪船與之衝尼相拒以圖牽制臣於閏五月二十六日二十九日兩次專摺馳報我水陸各軍防守情形四十日以來迭與會辦大臣張佩綸等將我軍與法船勉力相持各節電達總理衙門在案六月二十五六等日英美兩提督來閩商勸法船出口未有成議隨奉電傳 諭旨以法人如有蠢動卽行攻擊毋稍顧忌等因張佩綸與臣勉勵水陸各將弁益加嚴防預備戰事七月初一二兩日夜風雨大作又未接總署電報心殊焦急初三日天忽晴明未刻接奉電 諭知法外部議款不成勢必開戰因與張佩綸傳令各船管帶卽行動手忽聞礮聲震耳法既先發張佩綸一面飛飭各陸營出隊一面偕臣登高指揮彼此互攻約半時之久楊武已被擊沉福星隨壞伏波藝新兩艦仍由中歧退回嗣法船退至廠前山廠中著弁開礮橫擊旋即退去隨又上駛再爲擊退究因礮小法船未受大傷前

泊在廠前琛航永保兩商船正欲開輪往擢為法礮遙攻船塢不行隨後焚燬其飛雲濟安振威三輪在下與法船互擊忽見火起悉行自焚福勝延勝兩礮船往來衝擊力戰逾時一被擊沉一被焚燬其內海各師船及所備引火各船水勇木牌等件以法船隔林礮子如雨集霎時均為掃蕩當中未我駐防馬尼之陸軍與羅星塔礮勇伏溝互擊抵死不退法因聚船擡礮相持至酉末始各收兵是日苦戰我兵商各船被燬九艘法船亦被擊壞計立沉大小船各一艘彼軍固有傷亡而我水軍傷亡更眾陸營亦有傷亡一時未能悉初四日早法駛四船至廠前排礮猛攻方勦營勇移紮離左山腰黃超擊兩營仍紮廠後山脚與福勝後營相軸悉力極禦彼以大礮轟擊廠署半燬我軍以克陸卜陸軍礮及擡鎗洋鎗應之相持至晚兩孤拔亦被我礮擊傷又見我軍力守遂不敢登岸後收泊羅星塔下初五日法大輪船八號小輪船六號開赴下游必係移攻各礮臺刻尚未知勝負俟探明情形再行馳奏此次法將以全力圍圍我水師船小將弱猶勉力支持相拒月餘晝夜嚴防兵力已疲故迭請船赴援深恐情見勢絀為敵所乘耳乃法人橫詐性成竟敢不告而發行同海盜無禮已極當日擊各船戰沒未由援手連日戰敗弁勇洩水得生者類皆焦頭折臂慘不堪言現既一面給資養傷設法撫慰一面自顧一介書生不能執戈前驅力遏凶鋒又不能擊楫赴敵與之同命慚對將士悲憤填膺且船廠係臣專責又不能力籌保護致為法所

殲毀負咎實深應請 旨先行交部議處其傷亡各弁勇容臣次第查明奏請優卹以勵將心再船廠澳水法事未定我無師船護助勢誠孤危當俟法船出口料檢一切分別奏明辦理謹將大概情形恭摺陳 上諭穆圖善等及張佩綸何如璋先後具奏法兵攻擊船廠砲臺官軍接仗情形自請議處治罪各摺片法人乘上海議和之際潛駛兵船入泊福建馬尾等處中國素重誠信並未即行驅逐乃該國包藏禍心不顧信義七月初三日何璟等直接法領事照會開戰而馬尼法船乘我猝不及防先後開砲攻擊我軍合力抵敵兵商各船多被擊燬各軍於瀕危之際猶復奮勇接戰擊壞該國兵船雷船三隻初四等日法兵猛攻岸經提督黃超羣道員方勳都司陸桂山督隊擊退法兵旋攻館頭田螺灣閩安等處希圖上岸踞擾經張世興蔡康業劉光明督軍擊卻穆圖善駐守長門等處督飭總兵張得勝副將洪永安守備康長慶等率隊截剿斃敵甚多擊翻敵船二隻以礮臺門皆外向敵由內擊致為所燬此次因議和之際未便阻擊致法人得遂狡謀各營將士倉猝抵禦猶能殄斃敵人多名並傷其統帥其同心効命之忱實堪嘉憫所有擊退上岸法兵出奇制勝之提督黃超羣著以提督遇缺題奏並賞穿黃馬褂道員方勳著以道員遇缺題奏並賞給達春巴圖魯名號都司陸桂山著以遊擊儘先升用並賞給捷勇巴圖魯名號擊翻敵船奪獲軍器之副將洪永安著以總兵記名簡放並賞給鏗陸額巴圖魯名號其餘出力之

水陸將弁著穆圖善張佩綸先行傳旨嘉獎並從優保奏候旨施恩力戰受傷之都司孫思敬著以遊擊補用陣亡之高騰雲及受傷之宋錦元沈懿林及其餘受傷陣亡各將弁均著查明分別奏請獎卹並著穆圖善張佩綸於前頒內帑備賞項下擇其打仗尤爲出力兵勇及陣亡之官弁勇家屬分別核實賞給卹稍疏漏圖沛總督何璟在任最久平日於防守事宜漫無布置臨時又未能速籌援救著卽行革職嚴建巡撫張兆棟株守省城一籌莫展著交部嚴加議處船政大臣唐事府少詹事何如璋守廠是其專責乃接仗喫緊之際遽行回省當屬畏葸無能著交部嚴加議處翰林院侍講學士張佩綸統率兵船與敵相持於議和時屢請先發及泰有允戰之旨又未能力踐前言朝廷前撥援兵張佩綸輒以援兵數用爲詞迨省城戒嚴從事張呈毫無定見實屬措置無方意氣用事本應從嚴懲辦姑念其力守船廠尙屬勇於任事從寬革去三品卿銜仍交部議處以示薄懲福州將軍穆圖善駐守長門因敵船內外夾攻未能堵其出口而督軍力戰尙能轟船殺敵功過尙足相抵著加恩免其置議嗣後閩省防務左宗棠未到以前著責成穆圖善楊昌濬張佩綸和衷商辦務臻周密毋稍疏虞至沿海戰守事宜各該督撫務當懷遵迭次諭旨督飭各營認真戒備不得稍涉大意致干重咎○命管棋格堪克林沁爲御前大臣○命許庚身在軍機大臣上行走○命鴻臚寺卿鄧承修在總理各國事務衙門行走○諭陳士杰奏各屬被水災

黎現籌辦理賑撫一摺山東黃河南北兩岸本年伏汛漫決歷城齊河等處被水災民業經陳士杰督同司道倡捐銀兩籌辦急賑惟念饑饉餘生仍恐流離失所著照該撫所請卽飭司道督率印委各員協同公正紳耆再放善賑一次務使實惠及民不准絲毫弊混具有應行緩徵錢漕及應否續辦冬賑之處並著陳士杰隨時體察情形奏明辦理用副軫念災黎有加無已至意○諭慶裕奏參故員賄短錢糧請有究追查抄一摺奉天已故岫巖州知州烏勒登額前在岫巖州任內虧短正雜錢糧倉米爲數甚鉅屢催不解實屬玩延著慶裕裕長提集該故員家屬及經手丁書人等嚴訊是便是那有無隱匿寄頓情事按律嚴追定擬具奏一面將該員寓所資財嚴密查抄其旗籍家產著銀白旗滿洲都統一併查抄備抵以重庫款○甲戌諭李鴻章奏陳明黃河漫刷成口分別參辦一摺直隸東明縣境黃河堤岸本年伏秋大汛黃水節次盛漲險工迭出致中汛十一二鋪堤身漫刷成口水入越堤以內將越堤南頭衝破土塘抽刷成溝雖據查明並未奪溜惟水勢東趨亟應趕緊設法搶堵其被淹各處應否撫卹著李鴻章飭屬勘明分別辦理所有疏於防守之署東明同知朱豫復管帶練軍營官總兵韓鳳昌均著暫行革職留任仍勒令在工効力東明縣知縣張宗沂候補知府桂本誠均著摘去頂戴以示懲儆○諭岑毓英張凱嵩奏請將因公科斂之通判革職審辦等語雲南署大關同知候補通判謝光燾奉派勘查荒地輒敢因補給

執照收取照費雖據聲稱收銀悉數充公並未入己難保無事後捏飾之詞謝光燾著先行革職提同經
手書吏質審明確按律懲辦○諭張凱嵩奏遵保人才一摺廣西候補道蔣澤春著交軍機處存記四川
巴縣知縣國璋著該督出具切實考語送部帶領引見○諭御史方汝紹奏吏部改定資深先班次顯背
例意請飭再行覆核一摺著吏部議奏○諭岑毓英張凱嵩奏請將釐局委員革職質審一摺雲南丁憂
候補知縣王樹槐候補府經歷縣丞李敬鏞辦理釐務因該局書識被控舞弊供詞均有牽涉王樹槐復
不候質訊具稟妄訴亟應確切根究以成信讞王樹槐李敬鏞均著暫行革職歸案審辦○乙亥以廖壽
恆著理工部右侍郎○予剿平貴州整川縣匪徒出力人員程榮等獎敘有差○丙子諭朕敬奉 慈禧
端佑康頤昭豫莊誠皇太后垂簾訓政仰見 深宮肝食宵衣歷念民艱無時或釋祇承 懿訓緩徵蠲
賦迭沛恩綸所願薄海蒼黎咸登康樂上慰 慈懷因念各省民欠錢糧自光緒元年降旨蠲免計期已
逾十稔本年恭逢 皇太后五旬萬壽仰惟福佑普被寶鼎率土臣民同深歡忱允宜推廣 仁恩覃敷
開澤所有各省節年正耗民欠錢糧及因災緩徵帶徵銀錢並借給籽種口糧牛具及漕項蘆課學租雜
稅等項著各該督撫將軍府尹等將光緒五年以前實欠在民者詳晰查明該省所屬某州某縣銀數若
千速行開單具奏候朕降旨全行豁免並著先將此旨刊刻謄黃徧行曉諭城鄉村鎮咸使聞知無任官

吏役背影射候源以期得源下選用副朕延 釐錫美子惠元元至意該部即遵諭行○以李鴻章為大學士○實授李鴻章直隸總督兼通商事務大臣○諭戶部奏司員呈請投効軍營據情代奏一摺戶部員外郎張蔭清主事趙瀛彥均著發往廣東交彭玉麟張之洞差遣委用○諭軍機大臣等劉永福部將黃守忠等打仗奮勇著岑毓英傳知該提督於其擢謝恩時從優酌保官員由該督代奏候旨施恩○丁丑祭 先師孔子廟遣靈桂行禮○諭丁寶楨奏四川蓬江縣知縣湯俊縱令局紳濫支浮銷該縣修理衙署置買器具無不取給於局員鄙不職請旨革職查辦等語湯俊著即行革職交丁寶楨提同局紳嚴行究追以儆貪婪○戊寅祭 社 稷壇遣奕諒恭代行禮○欽奉 慈禧端佑康頤昭豫莊誠皇太后懿旨醇親王之子載澂著給不入八分輔國公○己卯諭前據給事中秦鍾簡奏參江西巡撫潘蔚庸劣不職翰林院侍讀王邦學奏參潘蔚擬奏粉飾任用劣員各節先後諭令孫毓汶烏拉布馳往查辦茲據該侍郎等確切查明分案具奏各摺片據稱餘干德興兩案鄉願所欠丁漕係屬已戶並非勒令包完楊之望欠糧無措愁急自盡實非委員逼勒九江閩兵查無家丁嚇跌夫落水之事該關撥解撫藩公費係道光年間奏定有案該撫並未格外需索其擬奏催漕辦災各摺並非粉飾欺罔伊子潘志俊本未干預公事交結屬員其餘信任劣員廣通賄賂各節亦均查無其事即著毋庸置議惟原奏楊姓欠糧之案

聲敘錯誤新喻縣滋事一案未將實在情形先行奏聞係屬疏漏藩憲著交部議處劣幕高隆燕雖據查明業經回籍仍著該撫飭屬隨時查察不准再行潛赴江西○諭前因翰林院侍讀王邦望給事中秦鍾簡先後奏參江西廣信府知府董兆奎勒捐多金虐用非刑性情暴戾賊私狼籍等款迭經諭令孫毓汶烏拉布確查參辦茲據該侍郎等查明覆奏董兆奎被參各節雖查無侵蝕捐欸藉端得贓等情其平日辦事亦尙認真惟於商民犯罪不論輕重任意私罰雖爲充公起見究屬有違定例至審理案犯並不虛衷研鞫擅用非刑尤屬有干例禁董兆奎著交部嚴加議處其失察之該管上司各官著查取職名交部照例分別議處餘著照所議辦理○諭張佩綸奏整頓陸防並查明失事及陣亡之將弁分別懲辦優卹各摺片閩省防務緊要著穆圖善會同張佩綸嚴督各軍實力布置左宗棠楊昌濬陸續率師到防並著統籌全局務臻周密所有馬尾失事之遊擊張成昭中敵計至今全軍氣沮著革職留營効力副將張陞楷聞警退走荒謬畏葸著卽行革職交楊昌濬審訊明確確照例治罪陣亡之參將高騰雲死事慘烈著照總兵例從優議卹五品軍功陳英力戰捐軀著賞給都司銜照都司陣亡例從優議卹船廠學生王連著照五品官陣亡例議卹守備許壽山葉琛五品軍功林森林均著從優議卹餘著照所議辦理○諭前據御史方汝紹奏參安徽壽州知州沈慶立不理民事延置盜案各款當諭令孫毓汶烏拉布確查具奏

茲據該侍郎奏稱查明安徽壽州知州沈慶立履任以來編辦保甲賑恤災民尙非置民事於不理其命盜案件皆立時勘報緝拿並無諱匿不報之件惟謹飭有餘難勝煩劇請開缺察看另補等語沈慶立著開缺留省察看過有相當缺出酌量另補○授恩承爲內大臣○調額勒和布爲正紅旗滿洲都統調長順爲正白旗漢軍都統以升泰署烏魯木齊都統○庚辰諭軍機大臣等昨據潘鼎新奏法兵在越擾害越南官紳糾集義民散勇並請該撫派兵前進等語是此事正有可乘之機卽著該撫出示曉諭懸賞激勵俾該國官民敵愾同仇踴躍用命開黃桂蘭趙沃齊部潰勇有爲法僱用者著岑毓英潘鼎新設法招回毋爲敵用其餘遣散勇丁並著飭回內地安插毋任逗留又據戶部代奏員外郎梁奏功散陳管見一摺所陳各條不無可採著岑毓英潘鼎新籌議辦理原摺著摘鈔給與閱看將此由六百里諭令知之○壬午諭前因法人背約失信聲言彼開諭令沿海統兵大臣及各該督撫督率防軍將法兵合力攻擊仍將各國商民一律保護卽法國官員教民安分守己者亦在保衛之列朝廷辦理此案無非相待以誠近聞廣東督撫等出示曉諭沿海居民忠義報効令在海面將法船帶水淺捆食置毒物等語並將新嘉坡檳榔嶼等處華人一併備及此等告示在內地張貼該督撫等若均以大義激勵華民原無不可惟食置毒物等語措詞轉失正大況敘及新嘉坡檳榔嶼等處既非屬地恐傳聞失實轉輾沿訛或至反生

事端與七月初六日諭旨之意不合彭玉麟張之洞張樹聲倪文蔚均著傳旨申飭法人背盟無理凡我中華人民自能眾志成城同仇敵愾正不必藉秘計詭謀致失中國仗義興師之意至海外各島嶼寓居華人均著不必預聞軍事以免歧誤○王邦慶奏丁漕乃國家維正之供百姓踐土食毛相安耕鑿念公納賦分所宜然我朝二百餘年厚澤深仁淪浹已久皇太后皇上愛育黎元超越前代闔閭感戴莫不有捐糜頂踵之思試觀軍興以來繼以災歉二三十年之中籌餉籌賑無不藉資民力凡諸紳富商旅均能踴躍輸將同股報効矧於丁漕正賦有不欲及時完納者乎雖疲戶之玩延劣衿之刁抗亦間有不免然此等情形究屬無多而徵收所以短絀之故實不係乎此臣嘗竊觀博訪察目前之情勢者積欠之來由而知丁漕一節蓋有五弊三難五宜三不可州縣弗肯相求驅吏未加體究徒使戶口多無形之消耗朝廷有歲入之短虧治本不探而催科是責重有當乎謹爲我皇太后皇上縷晰陳之一利於錢漕之速完者官也利於錢漕之多欠者差也一縣之中承催錢漕之差名目甚多有總頭有總頭有都差有副差有保差有幫辦之差有墊辦之差有比較上堂代受枷責之假差如此等眾皆指望百姓積欠丁漕以養身者也圖保差下鄉催徵輒先飽索賄賂名曰包兒錢包兒到手公項即可央緩其有豪富矜窮之戶積欠較多則總頭親臨催取華服乘轎隨從多人勒索包兒動至數十千而公項亦仍

可央緩追期限已滿完納不旺堂上官照例比較則以錢僱傭無賴之人上堂領撲或枷以警衆而總頭
圖頭等差無恙焉且更挾枷責以爲案詳之其其弊一一問徵之初書差輒捧中上家產能自完納之花
戶代爲裁串完納然後持票向本戶加倍勒還入己名曰代票其稍貧之戶無費可噬者則不肯代也地
方官明知其爲民害而利其墊解亦不之禁其弊二書吏徵收錢糧必先索房費而後開票如此一圖
之房費未即交清各甲花戶有持錢完糧者概不收納一稽延問其錢或因他事用去不能再行措辦遂
致拖欠其弊三一紳衿恃符抗欠不過自占便宜且願他人及早完納藉以抵塞期限其無故挺身爲一
村包抗者尙無其事惟有一種刁橫武斷魚肉鄉里之人交結衙憲包攬丁漕每向愚懦花戶騙錢入己
不爲完納而差役仍向本戶追索者真侵賦害民之猾徒然非與胥吏通同作弊欺壓誰弄其勢必不能
行地方官每爲所朦蔽未能詳察而嚴究也其弊四一徵收漕米本色之處及今改折色前收本色之時
無論每石加耗至一倍有餘之多更有永遠不遵定章之州縣每年祇開倉三日或繼日爲止花戶之強
而有力者爭先交米往往擁擠踐踏傷人過此卽行封倉概收折色每石定價七八千有多至十餘千者
而百姓之完納愈難腰削愈苦矣此弊之在官大吏從未有覺察者其弊五一花戶急公向多立有協
又謂之議國每年輸一甲充當總催擇本甲勤幹之人爲之者曰現年按戶糧多寡派錢數十百千不等

交給現年作爲辛俸並打點書差之用名曰甲費有現年之圖甲差役不得上門祇向現年催取現年恐所領之錢不敷差賄不得不勒加催追而花戶亦各體貼現年懼其受累不得不極力措完此協圖所以少積欠也嗣因疑逆踞城分設僞官無完糧之事而總催輸充一定之年分遂素如乙年已輸至二甲今停歇二年論戊年應輸五甲接充而五甲以三四等甲實未輸按理應補充彼此推諉而協圖遂多廢擱不行其難一一承管糧業之家其地畝多係佃與農人耕種近因迭遭兵燹水旱蝗疫各劫人民損傷無算更兼生計艱難丁壯及歲往往不能婚娶產生子女率多流斃是以閭閻生齒遠不逮以前之繁庶約計一村之中向有百八業耕者今祇得五六十人而此五六十人中吸食鴉片惰於農事者又約有二十三十人其間惰懶不時盡力不足收成本多歉薄而世風日降人心亦未能近古糧戶收取租穀甚爲不易卽以正鄉而論自咸豐以後所收或七八分或五六分或三四分三十年之中雖逢稔歲從未有闕完全租者瘠薄之田竟至白送與人承種而不肯受此種情形推之他省何莫不然其難二一民間光景既形蕭索幸遇豐年穀石又苦不能得價如有田百畝計應收租穀二百五十石按今時風土雖值大稔之歲至多不過收租八分得穀僅二百石如逢穀價極賤之時每石祇能糶錢四五百文除盤金外得錢不滿百千完納丁漕備其大半所留餘以事父母畜妻子者幾何不必有胥役之苛索而急公已覺嘆力其

雖三一乾隆嘉慶以前民俗直樸丁漕戶口均係本身的名近來率多別撰字樣一人而有數戶差役每以無從查傳爲詞若有人充當現年卽能逐戶清追亦可備官傳問協圖之所以爲良其無現年者謂之換圖又謂之爛圖協圖之花戶有取巧者往往別立名戶隱寄於換圖以冀拖欠又協圖輪充現年必派甲役其糧少之甲派費較難有取巧者亦往往別立名戶隱寄於糧多之甲以圖規避此則近日民情之謫也地方官若於協圖一法廢者能爲之興泮者能爲之革巧者能爲之設法以杜其弊則於催科之道思過半矣其宜一一差役得錢包蔽總以不令欠戶見官爲秘術而上元令袁枚有言擇民欠糧多者召花戶而欲見之未有真花戶到而糧不納者又前廬陵令楊曉曰胥安福篆時催徵必令花戶親到比較必令總頭受責其圖差保下鄉雖賂以錢而不敢受一時風動四境卽極疲之戶亦無不爭先完納此已著之明驗其宜二一向例徵收非上忙滿半下忙全完概不准納錢給票小民銖積鏹累未滿一票之數而催糧之役至索賂以去輒耗其所積之半如此糜積糜耗賂役之費往往多於正供數倍而糧終不能納聞昔有一令准其分兩次完錢完錢先給小票爲據俟屆限完滿換給串票民間因大稱便徵收更有起色此亦講求催科者當知所變通也至一人而分數戶亦恐糧數過多一時措錢非易若准其分票納完則此弊可除免至戶口紛繁茫無稽考其宜三一前有一令於民間呈遞狀詞除命盜倫紀重案外如

因口角錢債細故興訟者先令開明本身花戶錢漕若干查核按戶清完方與准理此與舊章互結聲明並無抗糧方准與考同一辦法一可以清頑戶之欠一可以遏濫訟之風似爲一舉而兩善備其宜四一收納錢糧必用官板大錢市間日用常行之錢概不准收花戶率以市錢一千向銷商易大錢九百迨完納後署中以此錢易銀每串可加錢色數十文愚民不無吝嗇致多延欠地方官既任聽境內通行市錢何不可通融收納以本處之錢於本官原無所損似不必拘定大錢致令徵收減色其宜五一鄉閭之有殷實官民均可恃以爲緩急宜保護不宜攪害近來地方官聽信丁役惡恩輒將本甲或本村積欠勒令殷實代完丁役又復從中索詐富民既苦使佃頑民更多拖欠從此徵收愈不易辦其不可一一州縣以催科爲考成坐籌治事之日少下鄉催糧之日多所到之處輒傳喚在庠生員寫立限狀責令每卯催完若干動以詳革恐嚇不知寒士筆耕爲業家無恆產者十人而九本身既不欠糧又無總催之責何可強以不應爲並不能爲之理且反令欠戶置身事外吏滋玩延其不可二近來各州縣更有委派官親家丁帶領勇役下鄉分催錢漕倚勢作威異常騷擾率累架誣明勒賠案甚至偏斂人命捏飾緝獲本官受其欺誑鮮能覺察其家丁並擅用名片投謁紳衿尤爲不成事體其不可三以上所陳十六條各省互有異同臣籍江西較爲詳悉雖丁漕之利弊不盡於斯而戶口耗傷情形略可想見擬請 諭飭各督撫

悉心體察督率所屬州縣實力興除去其害而適得其利使於民而不損於官總期國計民生兩有裨益夫撫字心勞催科政拙千古傳爲美談方今庫款支絀丁漕一項原不得視爲緩圖但能寓撫字於催科之中使賦課常登鄉閭不擾官吏全執燭天之弊小民不虛賦賜之忱而施善政以培養生機勵官常以挽回風氣多行實事勿託空言則所以裕國用而固邦本探原之治不外是矣上諭翰林院侍讀上邦璽奏總陳丁漕利弊請飭疆臣實力興除一摺丁漕乃國家維正之供凡我小民踐土食毛孰不願踴躍輸將及時完納乃各直省往往積欠頻仍致虧正賦皆由地方官任用胥吏苛索取盈種種弊端實堪痛恨茲覽該侍讀所陳各條於丁漕利弊尙爲詳悉應認眞整頓期於國計民生兩有裨益著各該督撫查照所奏悉心體查督飭所屬州縣將丁漕一切利弊實力講求務使賦課無虧鄉閭不擾以裕度支而恤民困○癸未吏部尚書屠濤卒賜卹如例○乙酉諭軍機大臣等楊岳斌擬創遵旨募勇教練忠勇可嘉湖南現已就募六營著即交該前督統率認真訓練迅往江南督辦軍務與曾國荃隨時會商妥籌戰守此旨著卞寶第速咨楊岳斌遵照○諭軍機大臣等朕欽奉慈福端佑康頤昭豫莊誠皇太后懿旨神機營奏道員恩佑擬製造尖底舢板輪船分布海面扼守海口如遇敵船遠近皆可攻擊著李鴻章查照所奏悉心籌議酌量試辦等奏方今海戰以鐵甲禦鐵甲則鐵甲巨鐵甲調度靈捷者勝若所擬舢板

式樣在海面殊無把握不必輕於一試徒糜經費報聞○諭軍機大臣等翰林院代遞編修朱一新奏東省辦防須就地籌餉暨釐向來開辦可稍多收其費以充軍實著該地方情形悉心體察妥為籌議奏明辦理尋奉天將軍慶裕奏奉省鹽釐十數年來試收加收已至三次以收數而論本屆一年期滿除開支經費外實存銀二十萬餘兩若再議加必致諸多窒礙報聞○調恩承為吏部尙書以錫珍為刑部尙書李潤為左都御史○以福銀耀年為總管內務府大臣○俞額勒和布為國史館正總裁○以錫珍為鑲黃旗漢軍都統○俞晉祺為閩兵大臣○曾國荃奏請撥勇營餉項渡臺分軍撥餉交楊昌濬由江西陸路入閩業將大概規模於七月二十日馳奏在案八月初三日欽奉 批旨覽奏已悉該督籌辦各節均屬妥協該部知道欽此旋據何紹彩王紫田鍾紫雲等稟報領足八九十三箇月餉項率格靖四營於七月二十六七等日次第上兵輪船八月初三由湖口拔隊開辦福建軍務臣楊昌濬初一日四刻到下關初三配齊新營軍器銀彈丸彈子藥棚帳棚帶運軍銀三萬兩初四日輪舟啟行由江西河口一路進發臣觀楊昌濬慷慨激昂忠盡之忱見於眉宇志欲早紓閩省之急征軍在途亦必迅速此援閩之師辦理已有頭緒者也至於渡臺之營早已發給餉銀三萬兩交劉朝祐領收並給各項精良器械軍火靜候英商輪船頭批八月初三日已到淡水二批初四日自江陰開行船價之貴實為聞所未聞而英船以

鞭笞凌厲勇丁致云見所未見祇以欲救基隆之急不得不忍辱包羞僱船裝載兵勇軍火係屬照竣一手經理應俟悉數渡臺該員乃可據實報銷在於續借出使經費支用不惜重價乃得辦有頭緒也山東撫臣陳士杰一片血誠籌備東省防務迭次與臣函商奏調道員李光久率一老營招二新營速赴山東統領各軍以備海防之急欲借川資撥給鎗礮以利進行臣即在於淮運庫提銀一萬兩交李光久迅速成軍八月初三日啟行昨據來咨此項銀兩請作為協濟東省之款臣猶未敢應允山東蓋不知江南近日餉絀至於此極也目下上海吳淞口江陰鎮江一帶聯絡人心水陸各將布置尙屬周密添募新營中秋節後可以到防下關新築平地明礮臺安放礮派營駐守足以仰慰 聖朝隆念南服之至意報聞

○曾國荃奏 臣前次電報總理衙門具奏僱英商輪至江陰裝送劉勦前營勇渡臺救劉銘傳基隆之急又因吳淞江陰礮臺之礮太小僅可以擊法兵船而不能打厚鐵甲船欲買極大礮八尊以四尊安吳淞隄上保蘇松浦江門戶以四尊安江陰山上保長江扼要門戶又南洋各項軍器子彈前後膛鎗協濟各省均已用罄不得不豫為購置以備緩急欽奉電寄 諭旨據曾國荃電稱英輪裝劉勦前營勇渡臺稍慰慮系該督擬買極大礮八尊分置吳淞江陰又欲購前後膛鎗所籌甚是即著迅速籌備所需價銀如議辦理欽此嗣又奉電寄 諭旨提前趕辦以濟急需等因欽此茲據籌防局司道詳稱已向上海地亞

士瑞生兩洋行定購十二寸徑口四十三噸重八百磅子問母斯脫耶前膛新式大礮八尊連熟鐵礮架並活坐旋螺裝彈器具應用各件及常用開化彈一千六百箇硬鐵實心彈八百箇鋼炸彈八十箇門火拉火等項據稱此項大礮外國亦須定鑄必要限十二箇月乃可運到上海勢難提前趕辦議定共計規銀四十三萬二千九百六十兩訂立合同先付規銀十一萬兩又申補與瑞生洋行德商補海師各定購德國新式刀頭馬梯呢兵鎗二千桿合膛彈子三百萬粒計價規銀六萬七千九百八十兩另備皮帶七千根並雜用在內銀限三箇月彈子限四箇月運到先付規銀二萬二千六百兩又亨達馬梯呢鎗彈將次撥竣亟應添購備用現在上海地亞士洋行定購二百萬顆共計規銀三萬六千六百兩限三箇月運滬先付定價規銀一萬二千兩又一寸半徑口哈喫開司礮子彈無多定購開花彈五千顆每顆規銀一兩鐵實心彈三千顆每顆規銀一兩四錢五分又葡萄彈二千顆每顆規銀六錢限三箇月運滬先付定價規銀三千兩各等情前來又准署湖廣督臣卞寶第湖北巡撫臣彭祖賢遵 旨易外需用鎗礮等件臣騰出林明敦後膛鎗千桿交程文炳領回鄂省先是楊昌濬新募親軍赴閩亦請撥後膛鎗及各項軍器資之以行比撥付林明敦鎗五百桿子彈五萬顆馬梯呢鎗一百桿子彈一萬五千顆又先撥付李光久毅營及新招二營前往山東帶林明敦鎗三百桿子十萬顆初三日啟行惟初四日閩省來電

始則請撥餉銀固已一無可撥繼則電請代訂兵鎗子彈乃以出使經費用罄無存竟無銀兩可交定價
急切亦難代訂所有上月與洋商訂立合同定辦外洋前項極大礮位及各鎗子彈實爲防海防江萬不
可少之件不得不竭力定購將來設法籌款陸續清償下部知之○曾國荃奏吳淞口爲各國兵商輪船
公共出入上海之路若不預爲布置誠恐臨事敵船混入關係尤重當飭蘇松太道邵友濂會同水陸各
營議定在於吳淞窄口處所用船載石填堵中泓酌留若干丈以便和好各國商船出入旋據邵友濂來
稟已費鉅款預備沙船多隻裝載石塊泊於吳淞以便臨警填塞並稱駐滬各國領事均以堵口有礙商
務水利照擬請停止如中國必行此舉中泓須寬留活口二十五丈以便輪船往來而復飭令妥爲商
辦八月初二日欽奉電 旨吳淞堵塞留一活口愈窄愈好不必二十五丈之寬該督所稱法船到口立
卽堵塞再一臨時趕辦不及必至誤事務必預爲籌定欽此仰見 聖慮周詳莫名欽佩卽恭錄電飭
邵友濂欽遵辦理茲接該道稟稱已將所備石船全數提泊口門以備吳淞口各營刻日施工其中中泓丈
尺則留十八丈至多亦不過二十三丈稱已照會駐滬各領事查照等情前來未知有無異議除飭該
道迅速會商妥辦外所有遵 旨飭辦堵口緣由理合附片密陳 仰 旨知道了吳淞堵口著懍遵前旨
妥爲辦理免致臨時貽誤○丙戌諭前因給事中洪良品奏查明祿米倉倉門漫無關鎖每次放米僅於

事後報聞請飭整頓等語當諭令興廉游百川確切查明認真整頓茲據興廉等奏稱遵查該倉門固有裂縫脫落該倉監督未卽請款興修經查倉給事中面諭始據如式修整至每次放米該倉書花戶均係按日呈報惟未先期而稟實屬遲誤該監督等失於覺察請交部察議祿米倉監督吏部主事延祉內閣侍讀達斌均著交部察議至如何算量之處卽責成興廉等認真籌辦據實具奏○以沙克都幾塞爲科布多參贊大臣○轉松淮爲吏部左侍郎調熙敬爲吏部右侍郎以清安爲工部右侍郎○以史念祖爲雲南按察使○丁亥諭軍機大臣等昨據李鴻章電稱閩口法船大隊南行今復有基隆失守之信法人兇狡惟有攻其必救直趨西貢等處庶使分兵西援臺灣乃可和鬆前諭令岑毓英潘鼎新合力進兵著卽迅速前進並激勵劉永福率軍進剿先攻克太原北甯各城越南義民如有可爲內應務當設法聯絡內外夾攻使法人無可駐足自可直達南圻以期牽制○楊昌溶奏 於本月二十三日交卸漕運總督印務業經奏明在案前於七月十三日欽奉電寄 上諭楊昌溶電稱擬調江浙各營著曾國荃於北來恪靖等營中撥與四營前有旨令湖北湖南江西等督撫招募勇丁著楊昌溶選派帶領前往欽此又於十六日接南洋大臣傳電奉 上諭楊昌溶奏遵籌督師援閩各摺片所辦均是應由何路前進該漕督酌定電奏欽此又於十九日接南洋大臣轉電奉 上諭曾國荃奏楊昌溶赴閩應派何紹彩等營隨同

前往著何國荃楊昌溶會商酌量辦理楊昌溶行糧需銀三萬兩擬由淮庫撥發著依議行欽此頃接閩
電報十九日奉 上諭大學士左宗棠著授爲欽差大臣督辦福建軍務福州將軍穆圖善漕運總督楊
昌溶均著督辦軍務欽此仰見 聖謨廣運訓示周詳莫名欽感日來接據閩中電報法船仍泊口外尙
無舉動並准兩江督臣來咨已派定恪靖四營俟分防汛地接替清楚即可起程臣於清淮各營內挑選
六百餘人作爲親兵營亦次第就緒前調浙江一營准撫臣劉秉璋來咨未能派往閩省望援甚切臣擬
率此五營先行就道前派副將熊常富赴湖南招募千人又電請兩湖督臣卞寶第於秦募新勇內酌撥
兩營現又派提督楊西平赴江西於撫臣新募各營內選派一營卽如數派撥計到閩尙需時日臣抵閩
境或可先後來會至行走之路海道既多梗塞又無兵船渡送若租各國輪船不但僱價難籌且藉口局
外諸多爲難與督臣往返兩商仍以走江西內地爲是山督臣函會長江提臣李成謀派輪船分起載送
至江西湖口縣再換民船前進臣雖起自行問於洋務素未練習海國戰事尤係創聞而受 恩深重惟
有殫竭血誠不惜身命以備報稱而已現定於本月二十七日自清江起程先至金陵與督臣商酌一切
並領取軍火卽催趲進發得 旨知道了該督卽著迅速赴閩勿稍延緩○戊子諭軍機大臣等徐樹銘
奏稱團練難緩請派京員前往督辦一摺舉行團練所以輔助官軍嚴緝奸宄必須經理得宜期於有利

無弊諸李鴻章畢道遠周家楣督飭地方官紳將畿東一帶團練妥爲辦理○己丑臘際雲霽財者經
武之本原急公者人臣之大義兵食民信於政爲三而信非可倖致也我 朝深仁厚澤洽於人心卽以
近事言之自髮捻蹂躪洋人逞狡用兵三四十而從未加賦偏災入告立沛 德音至上年 皇太后
軫念災黎以中秋進御之款爲賑恤小民之資受者銘 恩聞者興起觀於自法人侵我藩服中國之民
聞其敗則快心聞其勝利共憤今年要挾恫喝更無賴矣凡有血氣皆裂髮衝冠以白梃撻之民信之效
於是見矣惟餉勝者兵濟兵者食餉至今日源無可開流亦幾無可節 臣忝樞綱寄而不能少分 宮廷
宵旰之憂心竊恥之不敢不竭誠自効稍補籌餉之方查鹽務緝私經費久有定程非同私款似各省督
撫司道皆有之行鹽州縣亦皆有之他省 臣不敢言卽以湖南論之此款無定數以行銷引鹽爲數春季
所銷至夏季始能截數不能預提亦不能遽集而款實有著可作永圖湘岸近年歲銷在十萬引上下撫
臣緝私經費約在一萬兩內外司道亦各數千金惟糧道無之如合之行鹽州縣爲數甚鉅各州縣實有
緝私之責一旦全提充餉恐於銷路有礙尙須分別細酌若 臣卽無此經費亦必認真辦公且有養廉可
支一切撙節仍照京官規模似不致大絀擬飭督銷局按季照報數目解交藩庫收存報部候撥全數充
公請自 臣始惟各省有實充公用者 臣憶原任大學士兩江總督曾國藩大開書局廣集宿儒校刊經史

並於貢院外添造供給所外提調公所似皆用此款臣不敢以湖南一隅概施他省現在疆臣皆老成重望公忠體國所籌必有精於臣者臣久有此志而未敢輕發或疑臣爲近名或各省情形不同謂臣不諳世務況臣係署任或謂憚他人之慨當夫國帑充裕原不藉此消埃今也歲出之款日增邊徼之防難撤時艱方大若不早爲之謀患有不可勝言者人子之於親也身體髮膚必思所自來況人臣世受朝廷養之恩者乎臣是以不敢有所瞻顧而獻此一得之愚也此款分之見少合之見多積久則愈多有益於國而無損於商節臣子之盈餘以備朝廷之緩急似於義亦尙有當得旨據奏擬將緝私經費全數充餉具見急公誠悃深堪嘉尙著照所請行該部知道○辛卯諭軍機大臣等據岑毓英電稱飭令劉永福進兵有藉詞求緩之語現在進規北圻全在用人得宜著岑毓英激勵該提督奮勉立功並妥爲籠絡務令感恩畏威毫無猜疑儼駕馭失宜惟該督是問前令酌保黃守忠等並飭速行奏請候旨施恩○諭軍機大臣等前據劉銘傳奏長江太湖水師急宜改製又據道員徐承祖條陳長江水師宜參用小輪船各等語長江太湖水師前經會同彭玉麟創立奏辦行已多年現若改用小輪船較之長龍舢板等船果能得力自當因時制宜以收實效卽著彭玉麟會同李成謀將劉銘傳等所陳各節悉心會商妥議具奏原摺呈均著摘鈔給與閱看○癸巳諭軍機大臣等據李鴻章電稱法兵登岸接仗劉銘

俾葉基保後路法兵帶機器掘煤募土勇爲兵等語基隆要地豈容法兵佔踞著劉銘傳乘其喘思未定聯絡劉墩同心協力合隊攻剿並募彰嘉勁勇助戰將敵兵悉數驅逐立功者予上賞退縮者卽正法臺灣孤懸海外他處接濟緩不濟急劉銘傳當聯絡紳董因地勸捐如軍械缺乏卽中國軍器亦可應急臺地巨族多養私丁可卽召頭人重賞募用法人甫至卽能僱募土勇劉銘傳駐臺多時何以不克收爲我用日來軍情迅速奏聞○諭前據內閣學士陳寶琛奏參江西知州韓懿章知府榮綬達春布鍾珂各劣欵當經降旨將韓懿章革職與榮綬等三員均交藩甯查參茲據藩甯奏稱遵將該員等被參各節查明據實覆陳甯都州知州韓懿章雖無縱容子弟不法及與劣紳結婚情事原參苞苴請託各欵亦無實據惟年力漸衰聽信門丁衍益遂致事多面求韓懿章業經革職所有京控及部駁各案著藩甯卽行審明定擬並將該革員應辦之處奏明請旨候補知府榮綬雖無請事上司傾軋實係招搖納賄稅銀加平入己確據惟久押利權聲名甚劣榮綬著卽革職九江府知府達春布所歷各任尙無貽誤性情偏執辦事迂遲不勝煩劇吉安府知府鍾珂居官尙屬謹慎惟辦理各案未能持平達春布鍾珂均著開缺另補○乙未諭軍機大臣等基隆要地斷不容法人久據疊飭李鴻章等援濟恐海道梗阻勢難速達惟有就地設法臺灣米銀尙不缺且多富戶聚民亟應收爲我用洋兵最患夜戰若以團勇助兵分作十餘起日夜

機敵乘其困乏并力擊之當可取勝臺北林姓曾集團助戰尤應切實激勵如紳民中有能糾義逐法者朝廷破格施恩不惜爵賞劉銘傳向有謀略著即隨機應變迅速籌辦捐餉者從優給獎成功後奏請調錢糧均卽徧行曉諭總期兵民合一力復要區以紓虛系此有著李鴻章轉電劉銘傳遵照○詔張佩綸等奏遊擊打仗不力妄稟邀功據實參劾等語留閩補用遊擊楊金寶扼守金牌地方七月間與法人接仗擊沈法船一隻旋因火藥害被礮輒卽棄船退走尙復妄稟邀功實屬恒怯荒謬楊金寶著卽行革職永不敘用並不准投効他處軍營以示懲儆○內申諭軍機大臣等曾國荃電稱官軍十七日復基隆斃法兵五百餘溺斃無算降者數百等語法人借僱工爲名誘土人以利到船則逼之剪髮易衣驅爲前敵此次基隆殺者降者多此輩著沿海各省將軍督撫出示曉諭居民引以爲戒勿爲敵誘潮州温州均有毀擄教堂之事波及他國現在籌辦軍事不可別生事端尤當聯絡與國以孤敵勢著各將軍督撫飭屬妥籌保護隨事彈壓是爲至要○諭軍機大臣等據曾國荃等電報官軍十七日復基隆五路圍剿斃法兵甚多奪獲鎗礮多件劉銘傳運籌決勝謀勇兼優深堪嘉尚俟詳細奏到再降諭旨頒賞內帑優獎出力人員現在臺地軍械足用兵力尙單著遵前旨就地招募激勵民團嚴密籌防盡力剿擊以挫敵鋒聞法人僱土人驅赴前敵多被殄戮著劉銘傳曉諭居民引以爲戒勿爲敵誘臺北各地方官著隨時督飭

妥籌戰守合力辦理○丁酉諭軍機大臣等鮑超前次繳存天津洋鎗李鴻章速即解交應用如存件業已撥付他營即著另行撥撥○賞給京師普濟堂廣仁堂煮賑米石及蘆溝橋粥廠資善堂煖廠米石○戊戌諭軍機大臣等據李鴻章轉電潘鼎新二十四電報蘇元春酣戰五日法人未退等語蘇元春孤軍奮動敵尤稱強將潘鼎新嚴催各軍速進援助昨已有旨王德榜前進該藩司向稱勇往若稍退阻朝廷決不姑寬潘鼎新總統各軍尤當加意聯絡同心合力交相策應並知照岑毓英彼此通籌分剿以殺敵勢廣西餉缺已諭令四川等省迅速撥解○諭軍機大臣等據曾國荃電法船泊攻滬尼經孫開華極力敗南路土匪竊動運道梗塞等語法在滬尼受此大挫自必分擾他口著劉銘傳督飭孫開華各軍極力堵擊勿任立足南路土匪竊動劉銘傳勢難兼顧嚴飭劉啟或剿或撫務須趕緊肅清內患兼備各口仍隨時接濟臺北各軍糧餉軍火如款項短少向紳商暫借解到即還○諭各直省鹽務關稅等項向有提存預備公用之款前據龐際雲奏請將湖南巡撫所有緝私經費移作軍需當以該署撫急公可嘉降旨允准此外各省如有似此公費可以移緩就急者著各該將軍督撫酌度情形奏明辦理○辛丑以徐致祥署理禮部左侍郎○都察院代遞翰林院編修潘炳年摺稱臣等於馬江被後迭接閩信俱言張佩綸何如璋開警逃竄竊以挫敗情形衆目昭著朝廷明見萬里諒諸臣不敢再有捏飾是以未敢率行上

聞茲恭讀八月初一日 諭旨方審該大臣前後奏報種種虛捏功罪顛倒乖謬支離與臣等所接閩信判若歧異不得不爲我 皇太后 皇上披瀝陳之初一日法人遞戰書於揚武營張成張成達之何如璋秘不發初二日各國領事商人均下船衆知必戰入請亟備張佩綸斥之出軍火斬不發嗣洋教習法人遞達告學生魏瀚明日開仗魏瀚畏張佩綸之暴不敢自初三早見法船升火起旋始馳告而法已照會未刻開戰張佩綸怕遠魏瀚向孤拔乞緩以請朝爲請比登敵舟而敵聲已發戰船猶未啟柁裝藥敵發巨礮七福星振威福勝建勝殊死戰船相繼碎餘船放火自焚是役也燬輪船九龍槽船十餘小船無數伏波藝新二艘均逃回自鑿沈林浦陸勇盡潰而法船僅沈魚雷一艘此初三日大敗之情形也張佩綸何如璋市面礮聲卽從船局後山潛逃是日大雨兩張佩綸跳而奔中途有親兵曳之行抵鼓山麓鄉人拒不納匿禪寺下院距船廠二十餘里次日抵鼓山之彭田鄉適有 廷寄到督撫覓張佩綸不得遣弁四探報者賞錢一千遂得之何如璋奔快安施氏祠鄉人焚祠逐之黃夜投洋行宿農人城樓兩處會館市人又逐之復跟蹤出就張佩綸於彭田鄉張佩綸恐敵踪跡及之給何如璋出廠自駐彭田鄉累日偵知敵出攻長門將謀竄出始回此張佩綸何如璋狼狽出奔之情形也何處張兆棟平日狃於和議於海防毫無布置藩司沈葆楨尤以戰事爲非凡屬防餉輒拒不發欸兵無主帥餉無專責識者固知閩

事之必敗也所恃爲長城而無恐者以張佩綸平日侈談兵事際此中外戰局伊始身膺特簡臨事必有把握及聞閩信陳其種種謬戾情形則喪師辱國之罪張佩綸實爲魁首何如璋次之何以言之朝廷以督撫不知兵簡張佩綸偕劉銘傳往劉銘傳渡臺卽封煤廠據法人張佩綸出都卽聞其意頗快快到閩後一味輪船督撫畏其氣焰事之維謹排日上謁直如衙參竟未霽及防務至法船駛入馬尾倉卒乃以入告張得勝緝得引港奸民請辦張佩綸竟置不理衆益駭然而張佩綸尙侈然自大漫不經心水陸各軍紛紜號召追各將請戰又以奉旨禁勿先發爲詞臣等不知各口各擊之諭何日電發不應初三日以前尙未到閩卽使未到而諭旨禁其先發非併輪船起碇管駕請軍火而悉禁之也一概不允衆有以知張佩綸之心矣身爲將帥足未登於輪船衆十一艘於馬江環以自衛各輪船管駕雖連艦之非張佩綸斥之入白開戰之信張佩綸又斥之事急而乞緩師於敵如國體何聞礮而先狂竄如軍令何中歧卽馬尾彭田卽鼓山後麓張佩綸自諱其走欲混爲一如地勢迴隔何敵攻馬尾張佩綸於是日始竄彭田而冒稱力守船廠如不能掩閩人耳目何且何如璋實督戰書張佩綸與之同處知耶不知耶臣等不能爲張佩綸解也臣聞張佩綸敗匿彭田以請旨逮問爲詞實則置身事外證以外間風聞張佩綸所恃爲奧援之人私電函致有閩船可燬閩廠可燬閩學士必不可死之語是則張佩綸

早存不死之心無怪乎調度乖謬於先聞戰脫逃於後敢肆無忌憚如此也何如璋實督船政且夕謀遁棄廠掘走已有罪矣而謀匪戰野意尤叵測復於六月一日將船政局存銀二十六萬藉名採辦私行兌購不告支應所員紳而私交廣昌匯豐各洋行羣議其盜國帑言非無因張佩綸素以掣弊爲名何如璋荒謬至此事後並無一疏之劾謂非狼狽相依朋謀罔上臣等所不敢信臣思法事之始將撫並未帶兵出城該大臣既統兵樞相持一月餘不得謂籌備不及戰書既投學徒繼白不得謂事發倉皇輪船十一水雷百廿輛以師船陸勇不得謂無兵無船無械誰生感階乃一敗不可收拾非張佩綸何如璋之罪而誰罪乎若不嚴予懲辦何以謝死事二千餘人何以儆沿海七省之將帥何以服唐炯徐延旭之心何以塞泰西擲榆之口臣等既有所聞理合據實公揭謹繪圖貼說黏附呈進軍機處恭候 御覽謹懇密派公正不阿之大臣如彭玉麟等馳往查辦按照各節澈底根究福州紳民船政員弁工匠必能言之應應請飭下 欽派大臣逐一傳問自可得其罪狀臣等疏逃微員冒昧瀆陳第以國事艱艱至此父老子弟哀痛迫切之情不得不上陳 黜辱得 旨著左宗棠楊昌濬查辦

東華續錄

光緒六十五

臣朱壽朋敬編

臣張毓英恭校

九月壬寅朔諭本年十月初十日恭逢 慈禧端佑康頤昭豫莊誠皇太后五旬萬壽禮部等衙門題請

照例行禮筵宴奉 慈禧端佑康頤昭豫莊誠皇太后懿旨是日在慈禧宮行禮至禮成後內廷自有筵

宴所請照例筵宴之處毋庸舉行其在外公主福晉命婦著進內行禮餘依議著傳諭各該衙門敬謹遵

照○岑毓英奏 臣於光緒十年八月初四日接廣西撫臣潘鼎新函開承准總署電寄七月十七日奉

旨李鴻章電稱潘鼎新來電越境瘴癘正盛守易攻難岑毓英函中須俟秋後瘴減乃可進兵等語滇粵

軍既難前進劉永福所部久居該國能耐烟瘴著傳知該提督趕緊督軍進取岑毓英撥給餵銀軍火務

使足用迅赴戎機滇粵各營與該軍聯絡策應用壯聲援現已秋高瘴減迅速進發不得藉詞遷延致干

重咎等因欽此 臣跪讀之下惶悚莫名伏念事君致身古有明訓今法夷內犯凡在臣僚均應同仇敵愾

況臣受 恩深重縱捐糜頂踵難報涓埃豈敢稍事遲延自干咎戾前奉 諭旨飭督催記名提督劉永

福先行進發當即恭錄轉行加兩激勵並撥解三個月餉銀共一萬五千兩又運軍火糧米前往接濟乃

疊據劉永福來稟總以水潦難行求緩師期又稱有法人教匪二三千人帶淺水輪船七隻來至館司關築立礮臺扼要堵截等語不免觀望徘徊非臣親往前敵督催難期迅速臣所部滇勇因水土不宜多有瘴故早經奏明在案所幸有粵勇數營能耐烟瘴臣擬於日內卽由保勝帶該粵勇等馳赴文盤州大灘一帶隨時往來督飭前留駐防之游擊張世榮等各營並激勵劉永福設法進攻倘有臨陣退縮者卽遵旨軍前正法其有打仗奮勇者從重獎賞以示鼓勵俟將館司關攻破卽乘勢往取宜光查法人所占各城四面皆安設大礮外置地雷不易攻撲必須圍困轉瞬霜降烟瘴漸消滇勇陸續到齊卽可四面合圍並分紮端雄府屯鶴關永祥府等處聯絡廣西撫臣潘鼎新會商進取所慮者由保勝河陽兩路至宜光地段皆崎嶇遼夫馬難行水路船隻又少且恐敵輪逆截糧餉軍火挽運維艱時勢甚爲掣肘臣惟有殫竭愚忱儘力籌辦以期仰答 高厚於萬一 上諭軍機大臣等覽奏均悉該督擬卽親往前敵督催進攻並申明賞罰力籌進取各節均合機宜前據潘鼎新電稱越中法兵專注粵軍蘇軍連獲大捷等語該督刻下諒已馳赴前敵著卽迅圖攻剿以赴戎機○癸卯祭 歷代帝王廟遣世鐸行禮○俞續昌前赴奉天隨同慶裕辦理海防事宜○諭刑部奏已革雲南巡撫唐炯押解到部請派大員會同審訊一摺著派軍機大臣大學士會同刑部審訊按律定擬具奏○甲辰諭譚鍾麟奏保舉武職人員請有存記

錄用等語記名總兵姚尤廣記名提督鄧榮佳遇缺題奏提督馮南播均著交軍機處存記○電 諭會國荃崇明孤懸海中防兵尙嫌單薄現在閩省援兵已厚程文炳援閩各營無論行抵何處著會國荃傳知改赴崇明駐紮認真辦防○乙巳諭軍機大臣等聞劉永福軍缺饒加恩賞銀五萬兩著張之洞無論何款卽行解交岑毓英傳旨賞給前令酌保黃守忠等尙未奏到並飭速奏刻已秋深傳知該提督刻日進剿攻復各城渾膺懋賞此旨著張之洞轉咨岑毓英遵照○諭左宗棠奏請調員差委各等語四川補用道劉麒祥江蘇候補道陳鴻志前廣東連州直隸州知州曾紀渠浙江候補道黎福昌分發四川補用知縣高維寅分發陝西補用知縣唐承健均著交左宗棠差遣委用○諭巡視北城御史文海等奏拿獲聚眾逞兇毆傷職官積惡棍匪請旨交部訊辦一摺所有現獲之康金氏宋大張正和李洪才楊六郝桂喜卽卹福順田一子均著交刑部嚴行審訊被毆傷之前湖南安北縣知縣楊森榮饒名楊紹祖扣職副指揮宿娼滋擾實屬有玷官方著卽行斥革交刑部歸案審訊其餘幫毆各犯仍著嚴拿務獲究辦○丙午諭軍機大臣等前據徐承祖請飭撫恤越南難民招其忠義以爲外助編修鍾德祥條陳越南福潮客民與法爲仇可撫爲我用又據編修朱一新奏關外瘡重士卒多病宜於廣西添募數營以補湘淮各軍之缺及滇粵兩軍分道進兵攻取等語著岑毓英潘鼎新悉心體察會商妥辦○諭鴻臚寺卿鄧承修奏

保薦人才等語刑部主事楊秀實著發往楊岳斌軍營差遣委用候選知府黃遵憲著交軍機處存記○
張佩綸穆圖善何璟張兆棟奏閩省籌辦海防福建候補道朱明兆添募桂勇一營福建水師提督彭楚
漢飭山雲南候補道楊正儀募勇一營總兵張得勝添募親兵九十名又游擊陳文洪募旗營勇一百
六十四名長門礮臺守備康長慶添募礮勇一百二十名金牌礮臺已革游擊張成募礮勇二百五十名
閩安水門礮臺已革總兵蔡康業募礮勇一百二十五員名已革五品軍功林慶平募水雷弁勇一百八
十五員名自應遵照部章奏咨立案下部知之○會國荃奏臣等接准軍機大臣字寄光緒十年七月二
十六日奉 上諭左宗棠奏人才屈抑可憐請旨飭查一摺據稱直隸津海關道盛宣懷前經部議降級
調用因係因礦務辦理含混銷張失實議處查礦與電皆屬因公該員將礦商股本挪入電綫股本是否
明明挪移所收礦本有無虧耗如何勒限辦理請旨飭查妥議等語著李鴻章會同國荃將該員經辦開礦
電綫事務全案詳細查覈據實具奏原摺均著鈔給閱看等因欽此欽遵寄信前來臣等伏查該道盛宣
懷專辦蘇浙閩粵等省電綫係為抵制洋綫侵入各口以保自主權利起見八年十二月間臣鴻章奏明
照津滬陸綫工本覈算約需銀四十餘萬因官款無可支撥飭盛宣懷等籌資開辦九年春間請假過滬
該道及員董來謁即言法越多事滬市清室閩粵電綫道遠費繁商股觀望只得暫挪金州礦款十數萬

以湊急需此兩局商股皆該道所招自可允准及秋後工至閩省挪撥礦款用罄而電股驟難招還九月間該道稟報金州礦務情形案內即經撥礦本銀十四萬六千兩抵作電股洋銀二十萬元經臣鴻章批飭照辦嗣於稟報蘇家屯鐵道及移鐵道案內均經該道將電股借撥礦股數目隨案聲敘各在案臣國荃復飭上海道邵友濂就近赴電礦兩局將全案詳細查覈光緒九年四月間電局移商礦局挪借銀十四萬六千兩礦局如數移解電局收銀數作洋銀二十萬元聖發電報股票二千股每股洋一百元移存礦局其餘票批均與北洋咨案相符臣國荃復發委係稟明辦理實非擅自挪移至該礦局除退票不計外實收股本並兩年息銀二十萬八千一百餘兩電局股票抵用十四萬六千兩所置機器開工經費結至閏五月底止共支五萬四千六百餘兩現存七千五百餘兩計實用四萬二千九百餘兩本年閏五月間據該道詳稱駱馬山五湖嘴土法煤礦入夏水勢上湧難以施工若山鴨綠江買煤就蘇家屯一帶鍊鐵運道又速擬運鐵石至直隸之開平即就開平礦局碎煤路鍊金州局可免另開煤礦之資開平局可免碎煤久積之病一舉兩得當經批准令俟電股招足歸還礦股十四萬六千兩專備鍊鐵之本如中法兵事久持電股招還無期應將前借礦股改作電股其購地置器等項動用銀兩即將所存機器變價並將電局應付之恩湊入凡礦股票銀一百兩換給電股票洋一百元合規平銀七十三兩再找付

規平銀二十七兩以符原本百兩之數沿海各省及長江電綫係已成之局以礦易電衆商皆所樂從股本均有著落無慮虧耗矣西洋開礦不惜重資需以歲月亦必先招股本然後可僱募礦師匠工確探試辦茲事未及兩年商股並未招齊資本太少是以未能速收成效更值海疆戒嚴各省市面大壞而電綫關係軍報用款緊急又須通融撥濟以維軍國重務尤非無事時從容籌辦一事者所可比例綜覈前後情節尙非鉅張失實其挪礦股歸入電股會據一再稟詳移緩就急亦尙非有意含混且蘇浙閩粵電綫之成皆得該道移礦就電之力於軍務裨益尤大合無仰懇 天恩准將該道盛宣懷免其降調處分出自 聖裁臣等仍當嚴飭該道將各省電報認真經理並照批准原案責成該道俟電股招足歸還礦本銀兩如不能招還即以礦股改作電股其不敷之四萬數千兩將機器等件變價益以電局應付之息再有不足令其照數賠補倘不賠還即由 臣等從嚴參辦得 旨覽奏已悉盛宣懷前得降調處分著加恩改爲降二級留任餘依議該部知道○丁未諭軍機大臣等前諭曾國荃傳知程文炳無庸赴閩卽率營改駐崇明現據該督電稱崇明無須屯紮重兵程文炳一軍如已入閩境卽著迅赴臺灣援剿周盛波新募各營改赴天津北塘一帶助防如程文炳所帶各營離閩尙遠折回較易著卽統帶北來歸李鴻章節制調遣周盛波仍赴臺該督卽電知曾國荃遵照辦理○戊申前兩廣總督張樹聲卒賜卹如例○己

西李鴻章電致總理各國事務衙門頃劉提督初三由廈門轉電二十五等日總署電悉初二日法又到船六隻在臺北者不下二十隻二十八日法四船撥臺南澎湖存亡無信官紳多舉家逃走士勇已募五千餘無器械不受約束不能禦敵徒索餉鬧事土匪四起軍士疫癘不止日有死亡能戰者不足三千人敵勢甚大日內必有惡戰如十日內無電到北不保傳同將士惟拚命死守保一日是一日現在洋火藥已缺食鹽無來百姓擾亂餉路亦阻臺局不堪設想可爲痛哭請轉電總署南洋銘傳叩請等語閩電亦爲痛哭流涕奏電 旨令南北洋選撥得力快船鐵船等船多帶兵勇器械連櫓並進另由他口登岸等因鴻等豈忍坐視不救惟查北洋僅有快船船二隻駐防旅順海口南洋亦僅有快船三隻鐵壳五分厚斷不足當鐵艦之巨礮且船小無隙地可藏兵械若另僱商輪裝兵械照公法敵既封海各國輪船雖重價不肯停裝非以前情形可比聞法人另派大兵船數艘梭巡臺灣劉提督託人齎奏摺信件均被搜劫豈有兵械能入他口之理鴻等若不問能否冒昧行事再將此數快船被敵剽奪損威仍無濟徒爲國廠之續後悔何及仍求樞廷另設他法解此危困乞代奏 上諭軍機大臣等據李鴻章電稱劉銘傳電報亟防緊急情形法人專注臺灣劉銘傳勇素優務當力籌勝算迅圖恢復渥膺懋賞雖事機棘手惟當慎重圖維不可徒然焦灼輕於一擲據李鴻章稱難以撥船往援現在另籌辦法該提督一面竭力設法

不得觀望待援致長敵讎憂憊孤懸海外富紳產業在彼欲去何之仍當剴切曉諭使知大義聯絡民間
共圖逐法之策左宗棠請募生熟番萬人以資守禦是否可行著劉銘傳與劉成勳酌辦○諭軍機大臣等
翰林院代遞檢討潘仕釗奏變通挽回鉅款一摺廣東開姓賭局迭經申禁茲據該檢討奏稱澳門開設
開姓公司利歸他族現在海防需餉請飭體察情形能否將澳門開姓嚴禁抑或暫將省城開姓弛禁等
語著張之洞倪文蔚妥議具奏至所稱副將彭玉夥同外民何貴等私收開姓各節並著確切查明究辦
○命崧桂在毓慶宮行走○壬子諭吏部奏遵旨嚴議處分一摺福建巡撫張兆棟前船政大臣詹事府
所事何如璋即行革職○以劉銘傳為福建巡撫仍駐紮臺灣督辦防務○癸丑諭前據御史丁振鐸奏
翰林院侍讀學士溫紹棠奏保之候選知府何降簡係指府經歷當諭令吏部查明具奏茲據奏稱該員
候選知府之案查無實據茲查何降簡謝恩時所遞履歷竟敢將同治六年兩江保舉從九品經歷縣丞
之案捏造為保換花翎知府之案肆行欺罔藐法妄為情殊可惡何降簡著革職拿問解交刑部治罪溫
紹棠保薦人才宜如何慎重乃竟保此匪人且於何降簡官階尚未知悉輒以候選知府奏請奏請並奏
請飭令募勇赴閩殊屬荒謬溫紹棠著交部嚴加議處朝廷詔舉賢才原期得人而理前降諭旨極為諄
切爾中外大臣務當秉公訪查據實保薦必須灼見真知方可入奏倘有率行列保及徇私冒濫等情一

經發覺定當分別從重懲治決不寬貸所有保舉各員著該部將官階履歷詳細查明倘有不符卽行奏參并稍疏漏○諭本日據刑部奏訊明蘇拉自縊身死一案蘇拉等二於八月十一日在紫禁城內兵部茶房因痰迷自縊身死並無別故應毋庸議該前鋒統領等於此等素有痰疾之人未能查逐又八月十六日夜間紫禁城內有放爆竹情事亦未查明具奏殊屬怠玩所有此二日值班之前鋒統領及景運門該班章京均著查取職名交兵部嚴加議處○諭軍機大臣等發往福建差遣委用之候選知府何降簡膽敢捏造保獎知府官階本日已有旨革職拿問交刑部治罪該革員業已出京現已行抵何處著李鴻章會同李鴻章楊昌濬盧士杰一體嚴密查拿務獲派員解部審訊○成平奏沁黃兩河搶護險工請獎敘陳蘇許振禱等允之○甲寅諭軍機大臣等劉銘傳八月十五日奏報接仗情形已悉所請治罪之處著加恩寬免前已疊諭南北洋撥船援應該撫督軍固守並設法驅逐法人無任久佔基隆援軍一時難到總須就地取材因住居大稻埕之知府陳霞林豪俠可用舉人連日春潘成清陳樹藍均有鄉望富紳林維源現在避匿閩廈門舉人陳宗超爲該紳所信可令赴臺尋覓劉銘傳婉詞勸勉借餉辦團以大義感動勿得勒派據李鴻章電稱已撥銀十萬兩並屬楊昌濬潛運銀十二萬赴臺如已運到軍心可振盛昱等奏南澳廈門可縋老後山蘇澳等處登岸運送軍火等語李鴻章會同李鴻章楊昌濬速籌辦並與張之

洞楊昌濬電商凡有可以援臺之處竭力籌畫切勿畏難坐視○乙卯諭軍機大臣等左宗棠奏籌議援臺一摺著照所議南洋派兵輪五艘北洋派兵輪四五艘在上海會齊楊岳斌帶入營山漢口搭輪船赴滬即統領各兵輪赴閩先至廈門探明法船情形繞至鹿港等處登岸相機援剿李鴻章會同國臺即將兵輪派定並電知左宗棠楊岳斌遵照程文炳周盛波兩軍調度著李鴻章等遵照九月初六日諭旨辦理○丙辰棍楚克林沁卒賜卹如例○戊午諭山東歷城等處連年被水本年復遭水患迭經諭旨陳士杰寬籌賑撫朝廷念災黎無時或釋現在節交冬令更恐啼飢號寒仍形困苦加恩著將山東本年新漕截留十萬石以備冬賑並隨漕輕齎等項銀兩按數扣支以作運政該撫務當督飭地方官及委員等核實散放毋任吏胥稍有侵蝕用副宵旰焦勞勤恤民隱至意○賞給京師外城粥廠米石○以德馨爲江西巡撫許應鑾爲浙江布政使李家榮爲江蘇按察使○己未李鴻章電致總理各國事務衙門頃接南洋大臣覆電此間久未接省卽電焦灼同深疊奉撥船之旨何忍坐視奈南洋可派祇有開濟南瑞南琛三船然亦不足當鐵甲一礮誠如來電船小舢舨易被轟沉且接戰之船不能裝勇裝勇則不能接戰敵船堅而且速倍於華輪海中相遇既無退步萬難脫身數日之煤用完寸步之行難駛石泉謂厚菴到閩無船裝送亦難免望洋一歎可見繞赴鹿港等處皆能說而不能行厚菴尙無啟行之信到漢不知何

時相隔太遠礙難籌商北洋祇有二船南洋亦實祇三船勉強派令相隨一出海則不能得力公已洞燭
荃亦不必詳述等語昨奉咸電傳 旨催派兵輪北洋僅有快礮船二艘略可行海實太單薄適有湖南
委員過津詢知楊岳斌八月中旬尙未開由乾州啟行到漢不知何時赴滬更無日矣勿論無大幫兵船
可派卽有船而無將無帥豈能用命濟事鴻心急如焚徒愧力不能退祈代奏 上諭軍機大臣等李鴻
章電稱援閩兵輪北洋祇有二船南洋亦實祇三船等語前據左宗棠奏已與曾國荃商派南洋五船赴
援何以又稱祇有三船蓋何信息不通情形萬緊猶敢意存漠視不遵諭旨可恨已極曾國荃著交部嚴
加議處卽著委派兵輪與李鴻章派出之船在上海會齊駛往福建交楊昌濬調遣速解臺灣之危該大
臣等倘再遷延觀望致誤戎機自問當得何罪左宗棠在江甯發摺尙未奏報起程著卽迅速赴閩調度
楊岳斌已行抵何處並著曾國荃電知該前督速於漢口乘輪赴滬帶營援閩毋稍遲延○庚申諭軍機
大臣等有人奏湖南澧州在籍道員覃繼興小員與萬以夥同貿易因挾嫌誣以白晝搶劫承審官徇情
曲斷又湘潭縣人彭壽從軍得保參游結訟棍謝藻鑑爲黨羽武斷鄉曲前與彭聲慶構訟糾眾將其父
子捉入祠堂抄掠家產此二案均經京控咨回審辦數年未結請飭提訊等語著卞寶第委員迅速提集
人證秉公研究以成信讞原摺鈔給閱看○辛酉惲修彬奏兵貴有勇又貴知方當此庫款支絀之時各

統領自當共體時艱和衷商辦若動以奉旨招募為藉口橫索餉項騷擾地方似此臨敵豈能得力現聞湘鄂兩省因招募紛紛地方實深受累擬請嚴飭各募勇統帥務當約束將弁不得稍有滋擾如再以索餉等事為挾制地卽令該督撫據實奏參從嚴懲辦庶各將弁知所警懼既以紓地方之累亦可成節制之師上諭所事府左庶子惲彥彬奏開楚鄂兩省勇弁紛繁地方受累請飭統帥約束等語軍律首在嚴肅若招募之始卽有索餉騷擾情事何能練成勁旅著該統兵大臣等申明紀律嚴飭將弁於所至地方不得稍有擾累倘有此等弊端卽著該大臣督撫嚴參懲辦毋稍寬縱將此通諭知之○劉銘傳奏奴才前將法船分攻滬尼拔隊回援實力守禦等情恭摺馳報在案自十六日法船又添三艘連前共計八艘日以大礮向滬尼礮臺猛轟不少間斷兵勇無駐足之地孫開華與章高元劉朝祐等惟以勇隊晝夜分伏海岸林內露宿以何不敢少事休息二十日卯刻敵船倏忽分散孫開華知其勢必登岸督令攔勝右營營官龔占龍伏於假港攔勝中營營官李定明帶勇伏於油車口以後營營官范惠意爲後應章高元劉朝祐各帶武毅銘中兩營營官朱煥明等伏於大礮臺山後爲北路防敵包抄李彤恩所募土勇軍功張李成一營伏於北路山澗部署甫定敵兵一面以排礮轟擊不下數百響煙燄張天炸子如雨一面以洋划小輪船多隻裝兵約近千餘人分三路上岸直撲大小礮臺勢極兇猛孫開華見敵兵

逼近立率李定明范惠意分投攔擊章高元等山北路迎擊敵兵各執利鎗以全力相犯自辰至午鎗聲
不息挫而復進者數四我勇短兵相接奮力擊殺張平成領隊勇抄孫開華親率衛隊奮勇直前陣斬執
旗法酋一名並奪其旗我軍見敵旗被獲士氣益奮各路齊進賊首級二十五顆內有兵開礮亂擊自行
擊傷小輪船一隻其所遺格林礮一尊亦爲我軍所獲孫開華部下中後兩營首迎其鋒鏖戰最久戰士
多傷陣亡哨官三員傷亡勇丁百人其餘各營弁勇俱有傷亡山孫開華將戰勝情形具報前來伏查此
次敵兵猛撲滬尼海口著銳登岸意在必得當敵划送兵上岸各划皆開入海中自斷後路以示死戰而
我軍自礮臺被毀無礮守禦全恃士卒肉薄相拚雖鎗礮如雨士氣毫無畏避竟能斬將奪旗遏其狂逞
實屬異常出力所有統領擢勝等軍署福建陸路提督記名提督漳州鎮總兵孫開華身先士卒忠勇奮
戰力支危局厥功尤偉查該提督歷著戰績已經蒙 恩賞穿黃馬褂並 賞給勇號現署福建陸路提
督官職較大奴才未敢爲之擅行擬請可否仰懇 天恩俯賜破格 加恩以獎戰功之處恭候 聖裁
上諭劉銘傳奏法軍攻撲滬尼官軍接仗獲勝情形一摺法船分泊壘北滬尼等處八月二十日法兵
猛撲上岸提督孫開華督軍分路迎擊提督章高元等亦帶隊進剿法兵挫而復進者數次我軍短兵相
接孫開華率隊直前陣斬持旗法將一名並奪其旗斃敵約三百名敵勢不支紛紛潰散其退至海邊爭

渡獲者無算在事尤爲出力各員自應優予獎勵著福建陸路提督記名提督漳州鎮總兵孫開華身
先士卒忠勇善戰深堪嘉尚加恩賞給騎都尉世職並賞給白玉翎管一支白玉搬指一箇白玉柄小刀
一把火鏢一把大荷包一對小荷包兩箇以示優獎提督章高元摺奏前於基隆案內已邀恩獎總兵劉
朝祐係該撫姪孫均未奏請獎勵該提督等均著戰績自應一體加恩章高元劉朝祐著各賞給白玉翎
管一支白玉搬指一箇白玉柄小刀一把大荷包一對小荷包兩箇章高元並交部從優議敘劉朝祐並
賞加提督銜提督龔占鼐銜詳陷陣卓著戰功著賞穿黃馬褂總兵李定明提督朱煥明均著交軍機處
存記遇有各省總兵缺出先行請旨簡放李定明並以提督記名並賞給博德恩巴圖魯名號游擊范恩
意孔光治均著免補游擊參將以副將留於閩省歸儘先補用並賞加總兵銜范恩意並賞給額騰阿巴
圖魯名號副將景長和陳永降均著以總兵記名簡放總兵梁秉成著賞給克勇巴圖魯名號並賞加提
督銜溫尼營守備蕭定邦著以游擊儘先補用並賞換花翎軍功張李成著以守備儘先補用並賞換花
翎賞加都司銜陳振太黃國添蔡國樑均著以千總儘先拔補並賞給五品藍翎從九品劉恕著免補從
九品縣丞以知縣留於福建補用欽奉 慈禧端佑康頤昭豫莊誠壽恭欽獻崇熙皇太后懿旨著發去內帑銀一萬兩
賞給此次出力兵勇著劉銘傳查明尤爲奮勇者傳旨賞給欽此該撫務當激勵將士同心禦侮共奏膚

功源騰懋餘舊照所議辦理該部知道○壬戌諭巡視西城御史舒晉等奏職官被控糾嚴請旨交部訊辦一摺據稱醫生張桂林呈控筆帖式文裕聚眾糾毆逼寫借約傳訊筆帖式堅不承認恐有夥賄不法情事請飭根究等語禮部筆帖式文裕著先行解任與張桂林一併交刑部審訊按律定擬具奏○癸亥諭鹿傳霖奏特參疏防寄庫銀兩被劫之知縣請摘頂勒緝一摺河南湯陰縣批解丁漕等銀四千二百餘兩行抵淇縣寄存庫內被賊劫去捕務廢弛已極撤任淇縣知縣著摘去頂戴勒限兩箇月協同接任官嚴緝賊盜務獲究辦倘限滿無獲卽行從嚴參辦○李鴻章奏臣欽奉閏五月二十一日 寄諭御史趙爾泰奏海防緊要急宜兼籌團練一摺天津民情可用辦理團練可輔兵力之不足著李鴻章慎選該處公正紳士由地方官統率舉辦又奉七月十四日 寄諭太常寺卿徐樹銘奏議東辦團練著李鴻章畢道達周家柵悉心會商妥議具奏又奉八月十七日 寄諭徐樹銘奏稱團練難緩請派京員前往督辦一摺舉行團練所以輔助官軍嚴緝奸宄必須經理得宜期於有利無弊著李鴻章畢道達周家柵督飭地方官紳將畿東一帶團練妥爲辦理各等因欽此臣查民團雖可助兵力之不足惟自咸豐年間軍興以來各省辦團鮮收實效或滋流弊誠如閏五月二十一日 聖諭如聚眾鬪抗官滋事或藉端逞忿任意燒毀洋樓教堂別生枝節且值民窮財盡之時尤慮派捐擾累臣曾於去臘奏覆海防事宜

片內略陳在案今春有天津舉監等呈請開練飭據天津府知府汪守正查覆所呈各節並無把握亦非公正紳士其時兵衅未開暫緩置議嗣因海防戒嚴飭天津司道等妥細籌辦旋據邀集公正紳士商議擬就津郡水火會挑選精壯八千四百人鄉甲局挑選精壯二千人其通商碼頭勇健之夫亦在其內公舉在籍翰林院庶吉士高凌霄等經理卽由運司天津道津海關道督同府縣與該紳等妥辦並以津紳記名提督鄧啟元河營守備郝慶瀾派充管帶按期輪班操練由官添給軍械與舊存團防軍械搭配應用查照舊章酌收城廂鋪戶房捐暫資經費另由該司道等籌集商富捐資陸續抽練廣闢一千人日給口糧常川操習俾成一隊略助聲勢至畿東一帶臣與府尹臣咨兩會商體飭該管道府縣察酌舉辦順屬寧河縣之蘆臺鎮先由府尹臣飭船捐局委員募勇二百名日給口分連鋪戶壯丁可合一千七百人寶坻之林亭鎮並令商民集團此外順屬州縣亦擇要舉行其永平遵化各屬據復邀商紳士辦理大致先由城關辦起按戶挑選精壯歸團每處數百人千餘人不等四鄉鄉鎮則各就情形或以數鄉十數鄉爲一團平時仍各安本業或先辦保甲以十家爲一牌戶出一人輪流支更有警鳴鑼爲號齊集各丁援應並聯鄰莊守望相助所需經費暫由官紳酌量捐湊概不派徵擾民並據永平府知府福謙詳稱該府稽查海口所過臨榆撫寧昌黎等縣鎮及郡城關內各團一律整齊等情前來臣復查民間向章不能請

發官帑況值庫儲奇絀閭閻災祲之後困苦異常若專派團練大臣需費較巨無從籌措亦未必有實濟
自應遵 旨山東等督飭各該地方官紳妥爲辦理以專責成現在天津及畿東一帶已次第舉辦津郡
商富較多集事稍易他屬應各照擬分別選丁歸團並行保甲聯莊之法勉以忠義務使平時嚴緝奸宄
緩靖地面有警互相撙節各保身家仍嚴明約束不得滋生流弊尤不准藉端逞忿別生枝節其沿海民
船漁船並令逐處編查嚴杜接濟勾結其餘未盡事宜隨時督飭籌辦至徐樹鉅原奏擬就順天捕盜營
兵增募得力將士協同防守以爲民團之倡接府尹臣來函捕盜營兵共七百餘名擬先調二百名至京
駐紮操練仍更番調練以期一律嫻習片需加餉於順屬錢糧奏明添撥如須籌款增募之處應山府尹
臣自行察酌辦理得 旨如所議行○甲子電 諭岑毓英著嚴飭諸軍規復各城前據電稱斷敵糧道
水退塞河各節諒已籌辦妥協並即電奏○授領勅和布爲大學士○乙丑電 諭岑毓英著迅即督軍
進攻宜光牽制敵勢○諭軍機大臣等會紀澤二十日電報已悉現據擬與法議約八條著發交會紀澤
如法悔禍或由英外部或由法國照會該大臣商議務本此意力與辯論察其情形若何隨時電奏○諭
李鴻章奏請豁免積欠旗租一摺本年恭逢 慈禧端佑康頤昭豫莊誠皇太后五旬萬壽前經降旨將
光緒五年以前民欠錢糧全行豁免直隸民佃旗地官租與民糧事同一律近年災歉頻仍佃民困苦著

加恩將直隸各州縣光緒五年民欠各項旗地官租並各案補徵銀兩除因災豁免外其實在民欠者一體全行豁免以紓民力○諭吏部奏遵議處分一摺兩江總督曾國荃應得革職處分著加恩改爲革職留任○以吏部尙書恩承協辦大學士崇綺爲吏部尙書吳大澂爲都察院左副都御史○命額勒和布管理戶部事務○內寅諭軍機大臣等翰林院侍讀龍湛霖奏請出奇兵以牽敵勢並募用雲南夷人中之獠猥各摺片據稱關外之師宜分爲兩道以蘇元春等部作正兵攻北甯山西等省以劉永福一軍作奇兵山雲南假道暹羅或水陸並征或專用陸路直趨西貢之西則臺灣河內等處法兵自鬆等語所籌固係出奇制勝之策是否可行著彭玉麟會商岑毓英確探情形妥籌具奏其夷人獠猥能否招用並著岑毓英酌度辦理原摺片均著鈔給閱看將此由六百里各密諭知之○丁卯諭本年十月初十日恭遇慈禧端佑康頤昭豫莊誠皇太后五旬萬壽慶洽敷天因思京外實任文武一二品大員老親其年屆八旬以上者康輿達吉祿蔭承恩洵爲盛世嘉祥允宜特加賞資著吏部兵部八旗都統卽行查明分別咨報軍機處開單呈覽候旨施恩○諭張佩綸奏查明馬江之戰管駕輪船哨船各員弁請旨分別辦理等語管駕遊擊呂文經於輪船中礮輒卽先退僅予革職不足蔽辜著發往軍臺効力贖罪統帶哨船總兵翟炳南誑怯謫詐著卽革職輪船千總林承謨船小被傷情有可原著免其置議○諭慶裕等奏恭勘

福陵隆恩殿前坡滲漏請派員勘估一摺 福陵隆恩殿前坡應修各工均關緊要著派松森就近敬
謹勘估○岑毓英奏 臣於光緒十年八月初一日奉 諭旨劉永福著賞給記名提督賞戴花翎並著冠
期進兵恢復越南各地方等因欽此當經恭錄轉行遵照並奏明在案嗣於八月二十三日接廣西撫臣
潘鼎新兩咨承准總署八月初五日電開本日奉 旨劉永福部將黃守忠等打仗奮勇著岑毓英傳知
該提督於具摺謝恩時從優酌保官員由該督代奏候旨施恩等因欽此仰見 聖主激勵戎行有加無
已 臣跪讀之下同深欽感復經恭錄轉行欽遵辦理茲據記名提督劉永福稟稱永福生長西粵避亂南
交適值越南統督黃佐炎募勇擊賊遂帶勇投効歷年剿滅土匪黃崇英殲斃法酋安鄉克復河內城池
並協同粵軍剿除李揚才陸之平各股匪法人復據河內又帶勇進攻於懷德丹鳳等處疊挫兇鋒因軍
火缺乏失守山西退紮興化又因糧盡退至文盤大灘同滇軍分守險要力扼紅江上游自維毫無功效
正切悚惶乃荷 逾格恩施不次超擢自人間 命伏地增慚惟有勉竭駑駘圖報萬一請據情代奏叩
謝 皇恩並將所部請獎請卹各職名開列清單呈請具奏前來臣伏查單開都司職銜黃守忠等暨同
知職銜劉成良等共五十一員名均係隨同該提督轉戰多年尤爲出力謹將原保職名照繕清單恭呈
御覽仰懇 天恩賞准從優獎敘以示鼓勵至另單開呈陣亡武監生楊葵恩係該提督部下得力管

帶前在懷德鎮斃法曾李威利該監生亦卽力戰捐軀其餘哨長何承文等八名均係打仗奮勇先後陣亡深堪憫惻並懇 恩分別賞給官職交部從優議卹以慰忠魂 上諭岑毓英代奏提督劉永福叩謝天恩並將所部出力陣亡員弁開單懇請獎卹一摺該提督前在越南帶勇剿平各股匪徒本年復與敵人接仗迭次獲勝所部員弁隨同該提督轉戰多年均屬著有勞績自應優予鼓勵以昭激勸所有單開之都司職銜黃守忠著以遊擊補用都司職銜盧玉珍守備職銜吳鳳典均著以都司補用千總劉安南著以守備補用黃守忠盧玉珍吳鳳典並賞戴花翎劉安南並賞加都司銜賞帶花翎軍功朱冰清等均著以千總補用並賞給五品頂戴藍翎勇員黃俊芳等均著以把總補用並賞給六品頂戴藍翎同知職銜劉成良等均著以通判選用並賞給五品頂戴花翎六品銜梁茂林等均著以府經歷縣丞選用並賞給六品頂戴藍翎其陣亡之武監生楊夢恩著照把總陣亡例從優議卹哨弁何承文等均著照外委陣亡例從優議卹餘著照所議辦理該部知道單二件併發欽奉 慈禧端佑康頤昭豫莊誠壽恭欽獻崇熙皇太后懿旨著發去內帑銀五千兩賞給劉永福所部尤爲出力兵勇欽此卽著岑毓英傳知該提督務當仰體朝廷德意激勵弁兵同心禦侮共奏膚功渥膺懋賞○李鴻章奏欽奉電 旨飭撥北洋兵船赴閩援應臺灣經臣將派撥超勇揚威兩快船飭令豫備煤糧子藥卽由旅順口起程南下入江與南洋所派五船會齊

密商相機前進電請總理衙門代奏在案查北洋兵船除鎮東鎮西鎮南鎮北鎮中鎮邊蚊船六隻專備
守口威遠康濟兩艘專作弁兵水手練船並無大礮均不便馳逐洋面接仗即超勇揚威快船兩號每
船雖有二十五噸巨礮兩尊而船身過小鐵板薄僅三四分易為鐵艦大礮轟破寧沈從前在英廠訂購
此船原擬與鐵甲船相輔而行可以巡探接應今德國定購鐵艦既為公法所阻急切不能駛回僅此兩
船力量太單斷不足以禦大敵臣因旅順要口合該船駐泊其間與黃金山礮臺水陸相依立脚既穩出
入夾擊可期得勁茲臺灣危急奉 旨飭催派援明知法艦堅猛而多非中國現有兵船所能敵亦不得
不勉強派撥與南洋各船略助聲勢統領水師天津總兵丁汝昌前已奏明督帶較快各船扼守旅順與
宋慶陸軍協力聯防現撥快船赴閩而蚊練等船必須責令該鎮督率布置旅順為津沽門戶防務極關
重要勢難分身遠去其管帶超勇之儘先副將林泰曾管帶揚威之儘先游擊鄧世昌皆山船政學堂出
身嗣又出洋學習熟諳泰西兵船規法操練頗為整齊第因戰事尙少未可以當一面適有出使大臣李
鳳苞遵 旨催募德國水師總兵式百齡改名萬里城到津謁晤英銳沈鷺謀略甚優同治初年南北花
旗之役曾為美國帶師船打仗振李鳳苞絨櫓在德國水師中出色之員久經海上戰陣深堪倚任該員
願告奮勇帶兩快船前往並謂法船先後來臺灣洋面者不下三十餘號中國師船單弱又經馬江大挫

之後不宜輕試其鋒然亦不可不設法牽制北洋快船二號加以南洋快船三號並另派兩船如果管駕得人同心協力雖不能與法國大幫兵船鏖戰而在閩粵之交相機乘間避實擊虛或可攻奪其單行小號兵船及運兵運煤糧之船察其所言洵屬知彼知己切中機宜臣詢之林泰曾等均樂與共事藉得觀摩之益因令該總兵馳赴旅順統帶兩船炮日開駛順過上海修理添煤約須就開旬日再會同南洋派出各船相機密速前進惟接福州電報閩口馬祖澳近日法人又添數船難保不阻截阻已屬式自齡與林泰曾等隨時確探情形察酌進止臣等均宜不為遙制庶免意外之虞又奏外海輪船鐵艦駕駛測量行軍布陣法度為西人專門名家之學其將弁皆自少至老專力殫精互相傳習更事既多乃克有所成就緩急可恃中國創練未久勉強步趨將材非明瞭能辦速當勁敵縱橫洋面實慮船廠人才一無可恃轉資敵用而損國威南洋派水師營務處吳安康統帶五船聞其各營駕未盡熟習海上風濤沙綫又未曾與北洋船會哨合操現今聯踪並進船隻甚單事機極險一切進止號令必須畫一整齊庶冀同舟共濟可否請旨敕下兩江福建各督臣轉飭該統帶等與德國水師總兵式自齡隨時幫同教練指示以增益所不能式自齡瀕行時與臣要約伊及所帶德弁儼臨敵陣亡求加倍卹銀以慰其家屬儼奪獲敵船求加倍賞銀以酬勞將士臣皆慨然允之藉以作其忠義之心而用其致死之力得旨飭南洋

統帶等與式百齡聯絡商辦並令式百齡隨事幫同教練指示○賞給京師八旗馬步各營兵丁一月錢糧○加徵宗室覺羅人等一月錢糧○何璟奏登廈一帶瀕海遭風撥款應濟情形得旨著該撫確查被災情形妥籌撫恤毋任失所○戊辰諭軍機大臣等據潘鼎新電稱法寇力圖諒山牧馬等處空虛無餉添募等語著卞寶第於現綱等所募新勇酌派四五營揀選得力統將迅速帶往旗西關外交潘鼎新調遣餉項仍由鄂省籌撥該營未到以前如急須添營潘鼎新即募募土人應用○乙巳諭軍機大臣等張之洞電稱美國新製氣礮現與李鴻章商購並商李鳳苞購毛瑟鎗等語精械急須多購即著李鴻章電鄭藻如蔡國楨定購李鳳苞業經交鄧著電許景澄定鎗先行游款妥速辦理總署現在議借巨款已有端倪將來即可由此款內應付毋庸另借洋款○諭軍機大臣等延煦祁世長奏燈查山東籌辦海防情形呈遞嗣說據煙臺北對旅順海面至此一東若能兩岸同心扼此要隘則津沽得有鎖鑰其防守之法應如何測淺深濬沙綫備船礮設水師招募精習海戰之人必有出奇制勝之策等語該處為海防要地必須經營布置以扼要衝以杜敵船北犯之路著李鴻章慶裕陳士杰將所奏各節會同悉心妥籌奏明辦理原奏著鈔給閱看○諭前據翰林院侍讀王邦卿奏保直隸候補道黃瑞蘭熟悉營務堪以任用當諭令李鴻章將該員前在直隸是否得力有無劣跡據實具奏茲據李鴻章奏稱黃瑞蘭曾經委辦

營務處等項差使並未專辦水師營務於兵船規制用法懵無所知貌似似且舉動任性辦事糊塗語言狂妄似有心疾前已撤去差使雖無實在劣跡其人實不堪任用等語著瑞蘭著即行勒令回籍交地方官嚴加管束王邦附濫保非人著交部議處○庚午諭軍機大臣等鮑超前存天津洋鎗等件據李鴻章奏稱除修整另撥他營外其餘不堪修理已另備前膛洋鎗二千桿派員解赴慶州著嚴催務期速到此外如尚有可撥鎗械及需用銅帽各件仍當設法接濟○諭軍機大臣等都察院奏直隸生員楊廷昕等呈訴毀廟改河關係民生利害請飭復勘一摺前據太常寺卿徐樹鉉奏獻縣新開橫河並堵壅百洋河該處淹灌成災當諭令該京卿馳往履勘旋據勘明復奏擬將百洋河壅堵之處恢復深通由東北引入子牙河下游仍別渚支河以過子牙巨漲即經諭令李鴻章等按照所擬各節撥款籌辦茲據生員楊廷昕等呈稱此次改挑新河地勢不宜築堤必遭潰決為南岸三百餘村及下游九州縣之患繪圖瀝陳又據民人宋宅三等呈稱前渚宋家口至臧家橋新河一道首尾絕無壅滯北岸堤壩足資保障南岸缺口洩水田禾成熟懇仍留新河各等語所呈各節是否於地勢民情實有窒礙抑係藉詞阻撓著李鴻章畢道遠周家樹確查實在情形具奏○諭兵部奏遵旨嚴議處分一摺左翼前鋒統領德福值班章京正黃旗司鑰長饒車參領花倫著降三級留任不准抵銷正藍旗護軍統領清凱值班章京正黃旗司鑰長

護軍參領若麟失察紫禁城內有放爆竹情事非尋常疏忽可比清凱普隆二級調用不准抵銷若麟著革職○辛未 上諭 太廟行禮○諭著新奏官軍接仗迭獲大勝出力人員開單請獎一摺並陣亡瘡故員弁懇請優卹覽奏均悉八月十四日著提督蘇元春督飭將士在越南陸岸縣對河與敵接仗鎗礮齊施斬殺殆盡南岸亦被我軍轟擊毀船一艘當將陸岸礮臺平燬十八日敵船駛至陸岸船頭地方水陸撲犯蘇元春與總兵陳嘉分兵兩路鏖戰數時乘勝進撲陳嘉戮創力戰挫其兇銳擊斃甚衆十九至二十二等日各營設伏包抄斬獲敵人頭目死傷尤多提督方友升總兵周壽昌亦於二十日督出隊伍在山牙郎甲一帶率營力戰士氣不衰著提督蘇元春身先士卒勇略冠羣深堪嘉尚加恩賞給騎都尉世職並賞給白玉翎管一枝白玉搬指一箇白玉柄小刀一把火鏢一把大荷包一對小荷包二箇以示優異總兵陳嘉亦能奮勇當先戰績卓著自應一體加恩著賞給白玉翎管一枝白玉搬指一箇白玉柄小刀一把火鏢一把大荷包一對小荷包二箇仍照所請以提督交軍機處記名遇有提督總兵缺出請旨簡放並賞穿黃馬褂其軍門尤為出力之副將蘇元瑞著免補副將以總兵交軍機處記名簡放並賞加提督銜賞給一品封典擬保副將遊擊李應章著留於廣東儘先補用並賞加總兵銜賞換花翎遊擊陳桂林著免補參將遊擊以副將改留兩廣儘先補用並賞換訥恩登額巴圖魯名號將全眷以遊

擊改留兩廣儘先補用並賞給敕勇巴圖魯名號參將李羣著免補參將以副將留於廣西儘先補用張宗培等均著賞加副將銜遊擊莫大生著以本班無論題推缺出儘先補用並賞換花翎賞給敕勇巴圖魯名號陳顯道著以本班留於廣西無論題推缺出儘先即補並賞換花翎擬保遊擊黃雲高著免補遊擊以參將留於廣東儘先補用並賞換剛安巴圖魯名號都司彭清章著免補都司以遊擊儘先補用蘇玉標等均著免補都司以遊擊儘先補用蘇玉標並賞加副將銜吳廷漢並賞加參將銜賞換花翎擬保守備陳世華著免補守備以都司儘先補用並賞給綽勇巴圖魯名號守備陳福隆著免補守備以都司儘先補用並賞戴花翎軍功梁錫榮著免補把總千總以守備儘先補用並賞加都司銜賞戴花翎黃士佳著免補外委把總以千總儘先拔補並賞戴藍翎同知潘培楷著以本班仍留廣西歸候補班補用並賞換花翎縣丞吳世芳著免補本班以知縣仍留原省補用並賞戴藍翎從九品陳翰書著免補本班以主簿仍留原省歸候補班前儘先補用並賞加五品銜巡檢鳳杭著免補本班以府經歷歸候補班前補用生員周至道著以巡檢分發省分歸候補班補用並賞給六品藍翎其陣亡副將黃政德邱福初陳駿新劉得勝張大壽劉玉貴副將銜參將劉廷慶參將王紹斌肅有明黃世昌石啟官張興寬參將銜遊擊蕭寶臣遊擊李純五吳少懷遊擊銜都司黃均都司任有錫李逢模吳述元周同芳從九品黃汝霖守備

黃効忠楊承祿千總蘇全勝蔣全昌李得勝把總王有興李明德楊春林徐國廣葉亞吉梁正輝外委曹正亮六品軍功勞國燾等三十二名並療故之提督譚桂榮總兵程東海湯明千副將韓孟霽蘇長清副將銜參將張佩蘭參將簡崇修遊擊銜都司陳玉鳴等八名均著交部分別照例從優議卹餘著照所議辦理該部知道單片併發欽奉 慈禧端佑康頤昭豫莊誠皇太后懿旨著發云內帑銀三千兩發給此次尤爲出力兵勇欽此卽著潘鼎新傳知蘇元春等激勵兵弁同心禦侮同奏膚功有厚望也○諭前據給事中孔憲毅等御史張人駿先後奏參山東巡撫陳士杰糜帑誤工各節當派延煦祁世長馳往查辦茲據查明覆奏該給事中等所參該撫督修堤工丈尺與原奏不符委員挖開民埝土方地價均多克扣案撥當河決之日以大工告成演劇宴會委任非人干謁逢迎等款或查無其事或傳聞不實均著毋庸置議陳士杰身膺疆寄於山東頻年水患雖亦不辭勞瘁究未能辦理妥善嗣後務當振刷精神力圖整頓遇事則虛衷商榷以期廣益集思用人則一秉大公不復任情瞻徇庶幾地方民生日有起色至該尚書等所奏守民埝卽所以守大堤等語口係確實情形該撫籌修民埝多在大堤既決之後殊屬失計著卽妥籌辦理務將民埝乘時興修一律堅固倘再不安速從事定當嚴行懲處河務尤宜妥籌全局爲久遠之計瀕海地方如有口門可以導河入海並著悉心籌畫設法辦理道員劉時霖雖資表率著以通判

降補曹州府知府積慶能否勝任著陳士杰隨時察看不得稍涉迴護○諭興廉游白川奏全漕告竣請將出力員弁獎勵一摺本年江蘇浙江海運山東江北河運漕白糯米及秦大額運米豆先後抵通倉場侍郎督率坐糧廳監督等驗收完竣辦理均無貽誤興廉游白川均著交部議敘所保出力各員著該部議奏